



Godina II - Broj 14

Ponedjeljak, 28. juni/lipanj 1993.
SARAJEVO

Za svaki broj posebno se
utvrđuje cijena
Žiro-račun 10100-603-1396

284

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

**UREDBU SA ZAKONSKOM SNAGOM
O MJERNIM JEDINICAMA I MJERILIMA**

I - OPĆE ODREDBE

Član 1.

Ovom uredbom uređuju se sustav mjernih jedinica i mjerila, ostvarenje, čuvanje i upotreba etalona (pramjera) i uzoraka referentnih tvari, ispitivanje tipa mjerila i pregled mjerila, nadzor nad provedbom odredaba ove uredbe i povjeravanje javnih ovlaštenja poduzećima i drugim pravnim osobama za pregled radnih etalona, uzoraka referentnih tvari i mjerila radi osiguranja jedinstvene primjene utvrđenog sustava mjernih jedinica i mjerila (mjerno jedinstvo) na teritoriju Republike Bosne i Hercegovine (u daljem tekstu: Republika).

Član 2.

Mjerenje u Republici obavlja se mjerilima, primjenom odgovarajućih metoda mjerenja, a rezultati mjerenja odnosno vrijednosti fizikalnih veličina iskazuju se mjernim jedinicama predviđenim ovom uredbom.

Član 3.

U Republici mogu se upotrebljavati samo:
1. mjerne jedinice Međunarodnog sustava jedinica;
2. mjerne jedinice izvan Međunarodnog sustava jedinica koje su predviđene ovom uredbom;
3. decimalne mjerne jedinice.

Član 4.

Za mjerenje u Republici mogu se upotrebljavati samo ispravna mjerila, na način kojim se osigurava određena točnost mjerenja.

Pod ispravnim mjerilom, prema ovoj uredbi, podrazumijeva se mjerilo koje udovoljava propisanim metrološkim uvjetima i koje je na propisan način žigosano, odnosno koje ima potvrdu o ispravnosti mjerila.

Član 5.

Pod upotrebom mjernih jedinica i mjerila u Republici, prema ovoj uredbi, podrazumijeva se upotreba tih jedinica i mjerila u radu odnosno poslovanju poduzeća, drugih pravnih i fizičkih lica, samostalnih poduzetnika, organa uprave i dr.

Lica odnosno subjekti iz stava 1. ovog člana dužni su mjerne jedinice i mjerila određena ovom uredbom upotrebljavati u procesu rada odnosno u svojem unutrašnjem poslovanju.

Član 6.

Ministar obrane, prema specifičnim uvjetima i potrebama, organizira metrološku službu u Oružanim snagama Republike Bosne i Hercegovine (u daljem tekstu: Oružane snage RBiH).

Ministar obrane, donosi propise kojima se potanje uređuju: organizacija, funkcioniranje i usavršavanje rada metroloških laboratorija, ostvarenje, čuvanje, upotreba etalona, izrada uputa za pregled mjerila, način pregleda mjerila za potrebe Oružanih snaga RBiH i način metrološkog nadzora nad radom organa za metrologiju u Oružanim snagama RBiH.

Član 7.

Ministarstvo energetike, rudarstva i industrije - Zavod za standardizaciju, mjeriteljstvo i patente RBiH (u daljem tekstu: Zavod) izdaje glasilo u kojem se objavljuju:

1. podaci o metrološkim svojstvima republičkih (primarnih) etalona;
2. klasifikacija etalona i mjerne metode za prenošenje vrijednosti mjernih jedinica republičkog (primarnog) etalona na sekundarne etalone i radne etalone;
3. metrološke upute za pregled radnih etalona;
4. podaci o fizikalnim svojstvima i kemijskom sustavu uzoraka referentnih tvari koje ostvaruje Zavod;
5. metrološke upute za pregled mjerila;
6. rješenja iz člana 36. stav 1. ove uredbe;
7. rješenja iz člana 36. stav 2, člana 37, člana 46. stav 4, člana 60. stav 3. i čl. 66. i 69. ove uredbe;
8. podaci o vrstama mjerila i području na kojemu određena organizaciona jedinica Zavoda - odjel za mjeriteljstvo (u daljem tekstu: kontrola mjera) pregleda mjerilo;
9. podaci o centrima u kojima kontrole mjera periodično pregledaju mjerila;
10. podzakonske akte, mišljenja i tumačenja koja daje ministar energetike, rudarstva i industrije.

Član 8.

Izrazi upotrijebljeni u ovoj uredbi imaju slijedeća značenja:

1. republički (primarni) etalon jedinice određene veličine jest etalon koji ima najbolja metrološka svojstva što se provjeravaju usporedbom s međunarodnim etalomom, a služi za utvrđivanje metroloških svojstava sekundarnih etalona;
2. sekundarni etalon jedinice određene veličine jest etalon kojemu su metrološka svojstva utvrđena usporedbom s republičkim (primarnim) etalomom ili etalonskom metodom, a služi za pregled radnih etalona;
3. radni etalon jedinice određene veličine jest etalon kojemu su metrološka svojstva utvrđena usporedbom sa sekundarnim etalomom ili etalonskom metodom, a služi za pregled mjerila;
4. uzorak republičke (primarne) referentne tvari u određenoj oblasti jest uzorak koji ima najbolje karakteristike u

pogledu fizikalnih svojstava ili kemijskog sastava što se provjeravaju usporedbom s međunarodnim uzorkom referentne tvari, a služi za utvrđivanje karakteristika uzoraka sekundarnih referentnih tvari;

5. uzorak sekundarne referentne tvari u određenoj oblasti jest uzorak kojemu su karakteristike utvrđene usporedbom s uzorkom republičke (primarne) referentne tvari odgovarajućom testnom metodom, a služi za utvrđivanje karakteristika uzoraka radnih referentnih tvari;

6. uzorak radne referentne tvari u određenoj oblasti jest uzorak kojemu su karakteristike utvrđene usporedbom s uzorkom sekundarne referentne tvari odgovarajućom testnom metodom, a služi za utvrđivanje karakteristika uzoraka laboratorijskih referentnih tvari ili za pregled mjerila;

7. pod tipom mjerila podrazumijevaju se mjerila istoga proizvođača koja imaju slične karakteristike u pogledu namjena, načina upotrebe, principa konstrukcije, oblika, sastavnih dijelova, materijala i metroloških svojstava, a međusobno se mogu razlikovati mjernim opsegom i nazivnim vrijednostima.

II - MJERNE JEDINICE

1. Mjerne jedinice Međunarodnog sustava jedinica

Član 9.

Međunarodni sustav jedinica (u daljem tekstu: jedinice SI) sastoji se:

1. od osnovnih jedinica SI;
2. od izvedenih jedinica SI;
3. od dopunskih jedinica SI.

Član 10.

Nazivi i znakovi osnovnih jedinica SI i veličine na koje se te jedinice odnose jesu:

VELIČINA	OSNOVNA JEDINICA SI	znak
dužina	metar	m
masa	kilogram	kg
vrijeme	sekunda	s
jakost električne struje	amper	A
termodinamička temperatura	kelvin	K
svjetlosna jakost	kandela	cd
množina	mol	mol

Definicije osnovnih jedinica SI date su u prilogu br. 1. koji je sastavni dio ove uredbe.

Član 11.

Nazivi i znakovi izvedenih jedinica SI tvore se od naziva i znakova osnovnih jedinica SI na temelju algebarskih izraza kojima se definiraju odgovarajuće veličine, tako da brojevi faktori budu jednaki broju 1.

Definicije izvedenih jedinica SI izvode se iz definicija odgovarajućih veličina, uzimajući u obzir i brojčane faktore.

Član 12.

Određeni broj izvedenih jedinica SI ima poseban naziv i znak.

U prilogu br. 2. koji je sastavni dio ove uredbe, u tablici 1. navedene su izvedene jedinice SI s posebnim nazivima i znakovima, a u tablici 2. navedene su neke izvedene jedinice SI koje nemaju poseban znak i naziv.

Član 13.

Nazivi i znakovi dopunskih jedinica SI i veličine na koje se te jedinice odnose jesu:

VELIČINA	DOPUNSKA JEDINICA SI	znak
kut (ravninski)	naziv	
ugao (prostorni kut)	radijan	rad
	steradian	sr

Definicije dopunskih jedinica SI date su u prilogu br. 3. koji je sastavni dio ove uredbe.

Dopunske jedinice SI mogu se upotrebljavati pri iskazivanju izvedenih jedinica SI.

2. Mjerne jedinice izvan Međunarodnog sustava jedinica

Član 14.

Mjerne jedinice izvan jedinica SI, s posebnim nazivom, koje se mogu upotrebljavati, odnosno njihovi nazivi, znakovi i

veličine na koje se te jedinice odnose, navedeni su u prilogu br. 4. koji je sastavni dio ove uredbe.

Član 15.

U Republici dopuštena je upotreba kombiniranih mjernih jedinica koje se tvore od jedinica SI i mjernih jedinica iz člana 14. ove uredbe, a i mjernih jedinica koje se tvore samo od mjernih jedinica iz tog člana.

Član 16.

U prometu robe koja se izvozi i u drugim odnosima s inozemstvom u vezi s izvozom robe mogu se upotrebljavati mjerne jedinice koje nisu predviđene ovom uredbom, a u upotrebi su u pojedinoj stranoj državi.

Član 17.

U pojedinim oblastima (zračni, pomorski i riječni promet, željeznički promet i dr.) mogu se upotrebljavati mjerne jedinice koje nisu predviđene ovom uredbom ako je upotreba takvih jedinica predviđena međunarodnim ugovorima što ih je ratificirala Republika.

3. Decimalne mjerne jedinice

Član 18.

Decimalne mjerne jedinice jesu decimalni umnošci mjernih jedinica, a tvore se stavljanjem predmetaka, usvojenih na međunarodnoj razini, ispred mjernih jedinica (u daljem tekstu: predmeci SI).

Decimalne mjerne jedinice za masu tvore se stavljanjem naziva predmetka SI ispred naziva "gram" ili znaka predmetka SI ispred znaka "g". Gram je poseban naziv, a "g" poseban znak za mjernu jedinicu tisuću puta manju od kilograma (1g = 10⁻³ kg).

Nazivi predmetaka SI, njihovi znakovi i brojčane vrijednosti, te njihova upotreba dani su u prilogu br. 5. koji je sastavni dio ove uredbe.

4. Posebne odredbe o mjernim jedinicama

Član 19.

Mjerne jedinice moraju se upotrebljavati pod nazivima i znakovima koji su određeni ovom uredbom.

Način pisanja mjernih jedinica dat je u prilogu br. 6. koji je sastavni dio ove uredbe.

Član 20.

Za iskazivanje vrijednosti veličina bez dimenzije mogu se upotrebljavati posebni nazivi i posebni znakovi: neper (nak: Np), decibel (znak: dB), oktava, fon, son, bit i dr.

Član 21.

Za označavanje nazivne veličine Whitworthova cijevnog navoja i navoja s posebnim oblikom navoja te nazivnih veličina cijevi, cijevnih priključaka, cijevnih zatvarača, zračnica, naplataka i sl. može se upotrebljavati vrijednost iskazana jedinicom palac/col, inch) bez znaka jedinice palac (") - tako da se označavanje obavlja brojčanim vrijednostima (npr. 1/4; 1/2; 3/4 itd.).

Član 22.

Ministar robnog prometa, poduzetništva i turizma može propisati da se u prometu određene robe i pri obavljanju određenih usluga obavezno upotrebljavaju određene mjerne jedinice.

Mjerne jedinice određene propisom iz stava 1. ovog člana moraju se obavezno upotrebljavati u prometu određene robe i pri obavljanju određenih usluga.

III - ETALONI (PRAMJERE)

Član 23.

Zavod ostvaruje republičke (primarne) etalone osnovnih jedinica SI i izvedenih jedinica SI, čuva i održava te etalone; utvrđuje i objavljuje podatke o njihovim metrološkim svojstvima povremeno ih uspoređuje s međunarodnim etalonima i upotrebljava te etalone za prenošenje vrijednosti mjernih jedinica na sekundarne etalone.

Ministar energetike, rudarstva i industrije propisuje način upotrebe etalona, klasifikaciju etalona i mjerne metode za

prenošenje vrijednosti mjernih jedinica s republičkih (primarnih) etalona na sekundarne etalone i radne etalone.

Propis o načinu upotrebe i klasifikaciji etalona objavljuje se u "Službenom listu RBiH", a klasifikacija etalona i mjerne metode za prenošenje vrijednosti mjernih jedinica s republičkih (primarnih) etalona na sekundarne etalone i radne etalone objavljuju se u glasilu Zavoda.

Član 24.

Zavod ostvaruje sekundarne etalone osnovnih jedinica SI i izvedenih SI, čuva i održava te etalone, utvrđuje njihova metrološka svojstva i upotrebljava ih za prenošenje vrijednosti mjernih jedinica na radne etalone.

Ministar energetike, rudarstva i industrije propisuje metrološke uvjete kojima sekundarni etaloni određene mjerne jedinice moraju udovoljavati.

Sekundarne etalone mogu ostvarivati, čuvati, održavati, upotrebljavati za pregled radnih etalona poduzeća i druge pravne osobe kojima je Zavod povjerio pregled radnih etalona.

Član 25.

Zavod ostvaruje radne etalone osnovnih jedinica SI i izvedenih jedinica SI, čuva i održava te etalone, utvrđuje njihova metrološka svojstva i upotrebljava ih za pregled mjerila.

Ministar energetike, rudarstva i industrije propisuje metrološke uvjete kojima radni etaloni određene mjerne jedinice moraju udovoljavati i metrološke upute za pregled tih etalona.

Radne etalone mogu ostvarivati, čuvati, održavati i upotrebljavati za pregled mjerila poduzeća i druge pravne osobe kojima Zavod povjerio pregled mjerila.

Radne etalone moraju imati i podnositi na pregled poduzeća i samostalni poduzetnici koji proizvode i popravljaju mjerila.

Član 26.

Obaveznom pregledu, radi provjere udovoljavaju li propisanim metrološkim uvjetima, podliježu etaloni:

1. poduzeća i druge pravne osobe kojima je Zavod povjerio pregled radnih etalona ili mjerila;
2. poduzeća i samostalnih poduzetnika koji proizvode i popravljaju mjerila;
3. poduzeća koja su imaooci mjerila što se upotrebljavaju u procesu rada.

Ministar energetike, rudarstva i industrije propisuje rokove u kojima se periodično pregledaju etaloni.

Etaloni se pregledaju na zahtjev imaoaca etalona, na način i uz primjenu mjernih metoda što su utvrđeni metrološkim uputama.

Član 27.

Ako se pregledom utvrdi da etalon udovoljava propisanim metrološkim uvjetima, on se žigoše odnosno izdaje se potvrda o ispravnosti etalona.

Ako se pregledom utvrdi da etalon ne udovoljava propisanim metrološkim uvjetima, uskratit će se njegovo žigosanje odnosno izdavanje potvrde o ispravnosti, o čemu se, na pismeni zahtjev imaoaca etalona, izdaje pismeno rješenje.

Protiv rješenja iz stava 2. ovog člana može se podnijeti žalba Ministarstvu energetike, rudarstva i industrije, ako je pregled etalona obavio Zavod, a Zavodu ako je pregled etalona obavilo poduzeće ili druga pravna osoba kojoj je povjeren pregled etalona.

IV - REFERENTNE TVARI

Član 28.

Zavod ostvaruje uzorke referentnih tvari određenih karakteristika što se tiče fizikalnih svojstava i kemijskog sastava koji se upotrebljava za pregled mjerila i za provjeru mjernih metoda, čuva i održava te uzorke, utvrđuje i objavljuje podatke o fizikalnim svojstvima i kemijskom sastavu tih uzoraka i povremeno ih uspoređuje s međunarodnim uzorcima referentnih tvari.

Prema vrijednostima fizikalnih svojstava, kemijskom sastavu i namjeni uzorci se referentnih tvari određenim oblastima klasificiraju na republičke (primarne), sekundarne, radne i laboratorijske.

Ministar energetike, rudarstva i industrije propisuje koje metrološke karakteristike moraju imati uzorci referentnih tvari iz stava 1. ovog člana.

Član 29.

Uzorke referentnih tvari mogu ostvarivati i poduzeća i druge pravne osobe kojima je Zavod povjerio pregled uzoraka referentnih tvari.

Član 30.

Uzorci referentnih tvari što se upotrebljavaju za pregled mjerila i za provjeru mjernih metoda podliježu obaveznom pregledu.

Član 31.

Svojstva i upotrebljivost uzoraka referentnih tvari potvrđuju se izdavanjem potvrde o ispravnosti.

V - MJERILA

1. Zajedničke odredbe

Član 32.

Mjerila koja se upotrebljavaju u Republici podliježu obaveznom pregledu radi provjere ispravnosti.

Ministar energetike, rudarstva i industrije naredbom određuje vrste mjerila za koja su, prema odredbama ove uredbe, obavezni ispitivanje tipa i pregled.

Ministar energetike, rudarstva i industrije pravilnikom propisuje metrološke uvjete koja mjerila određene vrste moraju da ispunjavaju u pogledu metroloških svojstava i daje metrološke upute kojima se određuju način i mjerne metode za pregled mjerila.

Član 33.

U Zavodu se osnivaju stručne komisije za pojedine oblasti metrologije koje daju mišljenja, primjedbe i prijedloge ministru energetike, rudarstva i industrije na nacerte i prijedloge propisa što se donose na temelju člana 33. ove uredbe, a i na temelju člana 23. stav 2., člana 24. stav 2., člana 25. stav 2, člana 28. stav 3, člana 46. stav 2. i člana 57. stav 2. ove uredbe.

Na prijedlog zainteresiranih poduzeća, znanstveno-istraživačkih organizacija i drugih zainteresiranih organa i organizacija, članove stručnih komisija iz stava 1. ovog člana rješenjem imenuje ministar energetike, rudarstva i industrije.

2. Ispitivanje tipa mjerila

Član 34.

Ispitivanjem tipa mjerila utvrđuju se metrološka svojstva i upotrebljivost određenog tipa mjerila.

Tip mjerila ispituje Zavod na zahtjev proizvođača ili uvoznika mjerila odnosno zastupnika strane tvrtke koji prodaje mjerila s konsignacijskog skladišta.

Uz zahtjev iz stava 2. ovog člana podnose se potrebna tehnička dokumentacija i uzorak mjerila.

Način na koji se ispituje tip mjerila (sadržaj zahtjeva, vrsta tehničke dokumentacije, broj mjerila u uzorku, postupak ispitivanja tipa mjerila, sadržaj rješenja o odobrenju tipa mjerila i dr.) propisuje ministar energetike, rudarstva i industrije.

Član 35.

Tip mjerila ispituje se, u pravilu, u službenim prostorijama (laboratorijima) Zavoda.

Tip mjerila može se ispitivati izvan službenih prostorija Zavoda, i to:

1. u laboratoriju poduzeća ili druge pravne osobe koja je opremljena za ispitivanje tipa mjerila;
2. na mjestu na kojem je mjerilo postavljeno, ako se iz tehničkih razloga uzorak mjerila ne može donijeti u laboratorij.

Ako se tip mjerila ispituje izvan službenih prostorija Zavoda, podnosilac zahtjeva za ispitivanje tipa mjerila dužan je osigurati potreban broj radnika i opremu za ispitivanje tipa mjerila.

Iznimno od odredaba st. 1. i 2. ovog člana, ako se tip mjerila koja se uvoze ne može ispitati u laboratoriju u Republici, može se ispitati u laboratoriju inozemnog proizvođača mjerila koji je opremljen za ispitivanje tipa tih mjerila odnosno u laboratoriju inozemne organizacije nadležne za poslove metrologije.

Član 36.

Ako se ispitivanjem tipa mjerila utvrdi da mjerilo udovoljava propisanim metrološkim uvjetima i da je prikladno za upotrebu, Zavod izdaje rješenje kojim se odobrava da se mjerila tog tipa mogu podnositi na pregled. Tim se rješenjem može ograničiti broj mjerila koja se mogu podnijeti na pregled.

Ako se ispitivanjem tipa mjerila utvrdi da mjerilo ne udovoljava propisanim metrološkim uvjetima ili da nije prikladno za upotrebu, Zavod izdaje rješenje kojim se uskraćuje izdavanje traženog odobrenja.

Član 37.

Ako Zavod u toku upotrebe mjerila utvrdi da mjerilo za koje je izdano rješenje iz člana 36. stav 1. ove uredbe nije prikladno za upotrebu, donijet će rješenje o ukidanju rješenja o odobrenju tipa mjerila.

Mjerilo za koje je doneseno rješenje o ukidanju rješenja o odobrenju tipa mjerila, ne može se upotrebljavati.

Član 38.

Protiv rješenja iz čl. 36. i 37. ove uredbe može se podnijeti žalba Ministarstvu energetike, rudarstva i industrije.

Žalba ne zadržava izvršenje rješenja.

3. Pregled mjerila

Član 39.

Mjerila za koja je, prema odredbama ove uredbe, obavezan pregled podliježu prvom pregledu, periodičnim pregledima i izvanrednim pregledima.

Član 40.

Prvom pregledu podliježu nova mjerila domaća i inozemne proizvodnje.

Prvi se pregled obavlja prije nego što se mjerilo stavi u promet, odnosno prije upotrebe.

O prvom pregledu mjerila proizvedenih u Republici brine se proizvođač, a o prvom pregledu uvezenih mjerila brine se uvoznik odnosno zastupnik strane tvrtke pri prodaji mjerila s konsignacijskog skladišta.

Uvoznik mjerila odnosno zastupnik strane tvrtke koji prodaje mjerila s konsignacijskog skladišta dužan je osigurati odgovarajuću radnu prostoriju, potreban broj radnika i opremu za prvi pregled uvezenih mjerila ili osigurati da se prvi pregled uvezenih mjerila obavi u odgovarajućem laboratoriju osnovanom u smislu člana 46. ili člana 57. ove uredbe.

Član 41.

Periodično se pregledaju mjerila koja se nalaze u upotrebi odnosno u prometu ili mjerila koja se drže radi stavljanja u promet ili upotrebu, u rokovima što ih za pojedine vrste mjerila naredbom odredi ministar energetike, rudarstva i industrije.

Propisom iz stava 1. ovog člana određuju se vrste mjerila koje se izuzimaju od periodičnih pregleda.

Periodično se pregledaju mjerila prije proteka roka valjanosti žiga odnosno prestanka valjanosti potvrde o ispravnosti mjerila, a mjerila koja su popravljena u godini proteka roka valjanosti žiga odnosno prestanka valjanosti potvrde o ispravnosti mjerila periodično se pregledaju odmah nakon popravka mjerila odnosno prije nego što se mjerilo počne upotrebljavati.

O periodičnom pregledu mjerila, u pravilu, dužan je brinuti imalac mjerila, a o periodičnom pregledu mjerila koja su popravljena u godini proteka roka valjanosti žiga odnosno prestanka valjanosti potvrde o ispravnosti mjerila, dužan je brinuti onaj tko je popravio mjerilo.

Iznimno od odredbe stava 4. ovog člana, o periodičnim pregledima mjerila toplinske energije, brojala električne energije, mjernih transformatora, sklopkih satova, vodomjera, plinomjera, korektora i satova za mjerenje vremena parkiranja vozila dužna su se brinuti poduzeća koja prodaju toplinsku energiju, električnu energiju, vodu i plin i koja izdaju prostor za parkiranje, bez obzira na to tko je imalac tih mjerila.

Mjerilo kojemu je protekao rok periodičnog pregleda ne može se staviti u promet ni upotrijebiti.

Član 42.

Mjerila koja se zbog kvara ili drugih tehničkih nedostataka isključuju iz upotrebe prije posljednje godine proteka roka u

kojemu se periodično pregledaju, nakon popravka odnosno preinake podliježu izvanrednim pregledima.

O izvanrednim pregledima mjerila dužan je brinuti onaj tko je izvršio popravak odnosno preinaku mjerila.

Preinačena mjerila u koja su ugrađeni sklopovi što nisu bili obuhvaćeni ispitivanjem tipa mjerila podliježu prethodnome dopunskom ispitivanju tipa.

Član 43.

Mjerila, prema odredbama ove uredbe, pregledaju kontrole mjera i poduzeća i druge pravne osobe kojima je povjeren pregled mjerila.

Mjerila koja se upotrebljavaju u zdravstvu, mjerila koja su namijenjena zaštiti ljudi i imovine, mjerila koja služe za obračun i mjerila za kontrolu kvaliteta u vezi s obračunom, pregledaju, u pravilu, kontrole mjera.

Vrste mjerila i područje na kojemu određene kontrole mjera pregledaju mjerila, kao i način pregleda mjerila propisuje ministar energetike, rudarstva i industrije.

Član 44.

Kontrole mjera pregledaju mjerila, u pravilu, u svojim službenim prostorijama (laboratorijama).

Pod službenim prostorijama prema stavu 1. ovog člana podrazumijevaju se i privremene službene prostorije kontrole mjera - centri za periodične preglede mjerila, što ih rješenjem odredi ministar energetike, rudarstva i industrije.

Član 45.

Kontrole mjera pregledaju mjerila izvan svojih službenih prostorija:

1. u prostorijama poduzeća koja proizvode ili popravljaju mjerila;

2. u prostorijama samostalnih poduzetnika koji proizvode ili popravljaju mjerila;

3. u prostorijama imaoaca odnosno korisnika mjerila, u kojem je slučaju podnosilac zahtjeva za pregled mjerila dužan osigurati odgovarajuću radnu prostoriju, potreban broj radnika i opremu za obavljanje pregleda;

4. na mjestu gdje se mjerilo nalazi odnosno gdje je ugrađeno ili postavljeno, ako je riječ o mjerilu koje je po svojoj konstrukciji vezano za mjesto gdje je postavljeno (stabilno mjerilo) ili ako je riječ o mjerilu koje bi se zbog osjetljive konstrukcije moglo pri prijenosu oštetiti ili pokvariti, tada je podnosilac zahtjeva za pregled mjerila dužan osigurati potreban broj radnika i opremu za pregled.

Član 46.

Poduzeća i samostalni poduzetnici koji proizvode i opravljaju mjerila dužni su osigurati radne prostorije, opremu za pregled mjerila i potreban broj radnika.

Ministar energetike, rudarstva i industrije pravilnikom propisuje uvjete za osnivanje laboratorija u kojima se pregledaju mjerila određene vrste, naročito u pogledu uvjeta stručnosti radnika, opreme i radnih prostorija, koje moraju udovoljavati subjektu iz stava 1. ovog člana.

Na zahtjev subjekata iz stava 1. ovog člana Zavod utvrđuje da li je udovoljeno propisanim uvjetima, prema stavu 2. ovog člana.

Ako Zavod utvrdi da je udovoljeno uvjetima iz stava 2. ovog člana, donijet će rješenje da se pregled mjerila određene vrste može obavljati u prostorijama podnosioca zahtjeva.

Ako Zavod utvrdi da nije udovoljeno uvjetima iz stava 2. ovog člana, donijet će rješenje o uskraćivanju pregleda određene vrste mjerila u prostorijama podnosioca zahtjeva.

Protiv rješenja iz st. 4. i 5. ovog člana može se podnijeti žalba Ministarstvu energetike, rudarstva i industrije.

Žalba ne zadržava izvršenje rješenja.

Član 47.

Pregledom mjerila utvrđuje se da li mjerilo udovoljava propisanim metrološkim uvjetima.

Mjerila se pregledaju na način i uz primjenu mjernih metoda što su određeni metrološkim uputama, pojedinačno ili primjenom statističkih metoda.

Član 48.

Ako pregledom utvrdi da mjerilo udovoljava propisanim metrološkim uvjetima, kontrola mjera odnosno poduzeća ili druga pravna osoba iz člana 57. stava 1. ove uredbe žigoše ga odnosno izdaje potvrdu o ispravnosti mjerila.

Ako pregledom utvrdi da mjerilo ne udovoljava propisanim metrološkim uvjetima, kontrola mjera odnosno poduzeća ili druga pravna osoba iz člana 57. stav 1. ove uredbe uskratit će njegovo žigosanje odnosno izdavanje potvrde o ispravnosti mjerila, o čemu, na pismeni zahtjev stranke, izdaje rješenje.

Protiv rješenja iz stava 2. ovog člana može se podnijeti žalba Ministarstvu energetike, rudarstva i industrije.

Ako periodičnim pregledima utvrdi da mjerilo više ne udovoljava propisanim metrološkim uvjetima, kontrola mjera odnosno poduzeća ili druga pravna osoba iz člana 57. stav 1. ove uredbe poništiti će žig na mjerilu, odnosno na izdanoj potvrdi utvrditi će prestanak valjanosti potvrde.

Član 49.

Vrste i oblike žigova i drugih znakova što se upotrebljavaju pri pregledu mjerila, te sadržaj i oblik potvrde o ispravnosti mjerila propisuje ministar energetike, rudarstva i industrije.

Žig na mjerilu prestaje vrijediti:

1. ako je protekao rok njegove valjanosti;
2. ako je promijenjen, oštećen ili uklonjen;
3. ako je poništen.

Rok valjanosti žiga istječe na koncu kalendarske godine u kojoj se mora obaviti periodični pregled mjerila.

Odredbe st. 1. i 2. ovog člana shodno se primjenjuju i na prestanak valjanosti potvrde o ispravnosti mjerila.

Mjerilo za koje je prestao vrijediti žig odnosno za koje je prestala vrijediti potvrda o ispravnosti mjerila ne može se stavljati u promet ni upotrijebiti.

4. Posebne odredbe o mjerilima

Član 50.

Mjerila koja se prema ovoj uredbi obavezno pregledaju, mogu se stavljati u promet ili držati pripremljena radi stavljanja u promet samo ako su na propisan način žigosana, odnosno ako imaju potvrdu o ispravnosti mjerila.

Član 51.

O ispravnosti mjerila koja se nalaze u upotrebi dužni su se brinuti imaoči odnosno korisnici mjerila.

Član 52.

Ministar robnog prometa, preduzetništva i turizma može propisati da se za promet određene robe i za obavljanje određenih usluga obavezno upotrebljavaju mjerila određene vrste.

Mjerila određena propisom iz stava 1. ovog člana moraju se obavezno upotrebljavati u prometu određene robe i pri obavljanju određenih usluga.

Član 53.

Ministar energetike, rudarstva i industrije u sporazumu sa ministrom robnog prometa, preduzetništva i turizma može propisati zabranu stavljanja u promet i upotrebu, onih vrsta mjerila za koja se utvrdi da ne udovoljavaju potrebama mjerenja i drugim uvjetima određenih ovom uredbom.

Član 54.

Mjerila koja se uvoze mogu se stavljati u promet samo ako imaju potvrdu Zavoda da udovoljavaju metrološkim i drugim uvjetima u skladu sa ovom uredbom.

Uz zahtjev za izdavanje potvrde iz stava 1. ovog člana podnosi se odgovarajuća tehnička dokumentacija.

Način izdavanja potvrde iz stava 1. ovog člana (sadržaj zahtjeva, vrsta tehničke dokumentacije, sadržaj potvrde i dr.) propisuje ministar energetike, rudarstva i industrije.

Član 55.

Isprave što odgovaraju rješenju o odobrenju tipa mjerila i žigu, potvrdi o ispravnosti etalona i mjerila koje su izdali organi ili organizacije u inozemstvu, priznaju se u skladu s međunarodnim ugovorima koje je ratifikovala Republika.

Član 56.

Troškove za ispitivanje tipa mjerila i pregled etalona, uzoraka referentnih tvari i mjerila, što ih obavlja Zavod odnosno kontrola mjera, snose podnosioci zahtjeva za ispitivanje tipa mjerila i pregled etalona, uzoraka referentnih tvari i mjerila.

Troškove za prvi pregled mjerila masovne proizvodnje kod kojih je proces izrade ili ispitivanja automatizovan, što ga obavljaju poduzeća koja su proizvođači mjerila, snose ta poduzeća.

Visinu i način plaćanja naknade za pokriće troškova iz st. 1. i 2. ovog člana propisuje odlukom Vlada, na prijedlog Ministarstva energetike, rudarstva i industrije.

Poduzeće ili druga pravna osoba iz člana 57. stav 1. ove uredbe, kojoj je povjeren pregled radnih etalona, uzoraka referentnih tvari i mjerila naplaćuje naknadu prema odluci Vlade donesene u smislu stava 3. ovog člana.

Naknada za periodični pregled mjerila koja se upotrebljavaju u proizvodnom procesu rada ne plaća se ako je periodični pregled obavilo poduzeće koje ta mjerila upotrebljava.

VI - POVJERAVANJE JAVNIH OVLAŠTENJA ZA PREGLED ETALONA UZORAKA REFERENTNIH TVARI I MJERILA

Član 57.

Poduzećima i drugim pravnim osobama, osim poduzećima - proizvođačima mjerila i poduzećima koja se koriste mjerilima za obračun, može se povjeriti pregled radnih etalona, uzoraka, referentnih tvari i mjerila predviđenih propisom ministra energetike, rudarstva i industrije ako su registrirana za obavljanje metrološke djelatnosti i ako udovoljavaju propisanim uvjetima.

Ministar energetike, rudarstva i industrije propisuje uvjete iz stava 1. ovog člana kojima u pogledu stručne spremlje radnika, opreme i radnih prostorija moraju udovoljiti poduzeća i druge pravne osobe kojima se povjeravaju pregled radnih etalona, uzoraka referentnih tvari i mjerila.

Član 58.

Poduzećima koja su proizvođači mjerila može se povjeriti prvi pregled mjerila masovne proizvodnje (ugostiteljske posude, mjerila za duljinu i sl.) kojih je proces izrade ili ispitivanja automatiziran odnosno takav da jamči udovoljavanje propisanim metrološkim uvjetima.

Član 59.

Poduzeća koja su imaoči mjerila što se upotrebljavaju u proizvodnom procesu rada periodično i izvanredno pregledaju ta mjerila u skladu s odredbama ove uredbe, propisima donesenim na temelju ove uredbe i općim aktom poduzeća, radnim etalonima koje je pregledao Zavod ili poduzeće ili druga pravna osoba iz člana 57. stav 1. ove uredbe kojoj je povjeren pregled takvih radnih etalona.

Poduzeća koja su imaoči mjerila što se upotrebljavaju u proizvodnom procesu rada mogu ta mjerila podnijeti na pregled poduzećima ili drugim pravnim osobama iz člana 57. stav 1. ove uredbe, kojima je povjeren pregled tih vrsta mjerila odnosno kontroli mjera ako postoje uvjeti za obavljanje pregleda tih vrsta mjerila.

Član 60.

Na zahtjev poduzeća i drugih pravnih osoba iz člana 57. stav 1. i čl. 58. i 59. ove uredbe Zavod utvrđuje je li udovoljeno uvjetima propisanim za povjeravanje pregleda radnih etalona, uzoraka referentnih tvari i mjerila ili prvog pregleda mjerila masovne proizvodnje kojih je proces izrade ili ispitivanja automatiziran.

Način na koji Zavod povjerava pregled radnih etalona, uzoraka referentnih tvari i mjerila poduzećima i drugim pravnim osobama iz člana 57. stav 1. i čl. 58. i 59. ove uredbe propisuje ministar energetike, rudarstva i industrije.

Ako Zavod utvrdi da je udovoljeno propisanim uvjetima, donijet će rješenje kojim se podnosilac zahtjeva iz stava 1. ovog člana ovlašćuje za pregled radnih etalona ili uzoraka referentnih tvari ili mjerila odnosno prvi pregled mjerila masovne proizvodnje.

Rješenjem iz stava 3. ovog člana odredit će se područje na kojem će poduzeće ili druga pravna osoba iz člana 57. stav 1.

ove uredbe pregledati radne etalone ili uzorke referentnih stvari ili mjerila.

Ako Zavod utvrdi da nije udovoljeno propisanim uvjetima, donijet će rješenje kojim se uskraćuje izdavanje ovlaštenja.

Protiv rješenja iz st. 3. i 5. ovog člana može se podnijeti žalba Ministarstvu energetike, rudarstva i industrije.

Žalba ne zadržava izvršenje rješenja.

Član 61.

Poduzeća i druge pravne osobe kojima je povjeren pregled radnih etalona, uzoraka referentnih stvari i mjerila dužna su voditi evidenciju o obavljenim pregledima.

Poduzeća i druge pravne osobe iz stava 1. ovog člana mogu pregledati mjerila na mjestu gdje je mjerilo ugrađeno ili postavljeno.

Broj poduzeća ili drugih pravnih osoba iz člana 57. stav 1. ove uredbe kojima se može povjeriti pregled radnih etalona, uzoraka referentnih stvari i mjerila određene vrste određuje Zavod.

VII - NADZOR I UPRAVNE MJERE

Član 62.

Zavod nadzire održavanje uvjeta propisanih za prostorije u kojima poduzeća i samostalni poduzetnici proizvode i popravljaju mjerila, u kojima kontrole mjera pregledaju mjerila i nadziru pregled radnih etalona, uzoraka referentnih stvari i mjerila što ga obavljaju poduzeća i druge pravne osobe kojima je Zavod povjerio pregled.

Član 63.

Radnicima koji rade na poslovima i zadacima nadzora izdaje se službena iskaznica.

Član 64.

Poduzeće, druge pravne i fizičke osobe, samostalni poduzetnici, organi uprave i dr. čiji etaloni, uzorci referentnih stvari i mjerila, prema odredbama ove uredbe, podliježu obaveznom pregledu, dužni su omogućiti nesmetano obavljanje nadzora i davati podatke koji su za to potrebni.

Pri obavljanju nadzora radnici Zavoda, odnosno radnici kontrole mjera imaju pravo ulaziti u prostorije u kojima se etaloni, uzorci referentnih stvari i mjerila proizvode, popravljaju, pregledaju, upotrebljavaju, stavljaju u promet ili drže pripremljeni radi upotrebe odnosno stavljanja u promet i obavljati kontrolna ispitivanja.

Član 65.

Pri nadzoru nad pregledom radnih etalona, uzoraka referentnih stvari i mjerila, što ga obavljaju poduzeća i druge pravne osobe kojima je Zavod povjerio taj pregled, Zavod ima pravo i dužnost:

1. provjeravati metrološka svojstva sekundarnih i radnih etalona odnosno metrološke karakteristike uzoraka referentnih stvari;
2. obavljati kontrolna ispitivanja pregledanih radnih etalona, uzoraka referentnih stvari i mjerila;
3. tražiti izvještaje o radu na pregledu radnih etalona, uzoraka referentnih stvari i mjerila i evidenciju o obavljenim pregledima;
4. provjeravati udovoljava li se i nadalje uvjetima na temelju kojih je povjeren pregled;
5. davati stručne upute i pružati drugu pomoć.

Član 66.

Ako Zavod pri nadzoru iz čl. 64. i 65. ove uredbe utvrdi da poduzeće ili druga pravna osoba ne udovoljava uvjetima iz člana 57. stav 2. ove uredbe ili se ne drži propisa ili datih uputa, donijet će rješenje kojim se ukida rješenje doneseno na temelju člana 60. stava 3. ove uredbe.

Protiv rješenja iz stava 1. ovog člana može se podnijeti žalba Ministarstvu energetike, rudarstva i industrije.

Žalba ne zadržava izvršenje rješenja.

Član 67.

Ako Zavod pri nadzoru iz čl. 64. i 65. ove uredbe utvrdi da radni etaloni, uzorci referentnih stvari i mjerila što ih je pregledalo i žigosalo poduzeće ili druga pravna osoba kojoj je

povjeren pregled nisu ispravni, poništiti će žigove na radnim etalonima, uzorcima, referentnih stvari i mjerilima odnosno na izdanim potvrdama o ispravnosti utvrditi će prestanak valjanosti potvrde i postupati na način predviđen u članu 72. ove uredbe.

Član 68.

Pri nadzoru nad pregledom mjerila što se obavlja u prostorijama poduzeća ili samostalnih poduzetnika koji proizvode i popravljaju mjerila, Zavod ima pravo i dužnost:

1. provjeravati metrološka svojstva radnih etalona koji se upotrebljavaju za pregled mjerila;
2. provjeravati udovoljava li se i nadalje uvjetima iz člana 46. stava 2. ove uredbe.

Član 69.

Ako Zavod pri nadzoru prema članu 68. ove uredbe utvrdi da poduzeća ili samostalni poduzetnici koji proizvode ili popravljaju mjerila ne udovoljavaju uvjetima iz člana 46. stav 2. ove uredbe, donijet će rješenje kojima se ukida rješenje da se mjerila mogu pregledati u tim prostorijama.

Protiv rješenja iz stava 1. ovog člana može se podnijeti žalba Ministarstvu energetike, rudarstva i industrije.

Žalba ne zadržava izvršenje rješenja.

Član 70.

Ako pri nadzoru nad ispravnošću, prometom i upotrebom mjerila kontrola mjera utvrdi da mjerilo koje je u upotrebi ili koje se stavlja u promet ili se drži pripremljeno radi upotrebe odnosno stavlja u promet, nije ispravno, donijet će se rješenje kojim se privremeno zabranjuje upotreba mjerila odnosno njegovo stavljanje u promet.

Privremena zabrana iz stava 1. ovog člana traje dok se mjerilo ne učini ispravnim, ponovo pregleda i žigoše odnosno ne izda potvrda o ispravnosti.

Ako kontrola mjera utvrdi da se mjerilo iz stava 1. ovog člana ne može učiniti ispravnim, donijet će rješenje kojim se trajno zabranjuje upotreba mjerila odnosno njegovo stavljanje u promet.

Protiv rješenja iz st. 1. i 3. ovog člana može se podnijeti žalba Ministarstvu energetike, rudarstva i industrije.

Žalba ne zadržava izvršenje rješenja.

Član 71.

Mjerilo za koje se donosi rješenje o zabrani upotrebe odnosno stavljanja u promet kontrola mjera će na vidljiv način obilježiti kao neispravno, te će poništiti žig na mjerilu, odnosno na izdanoj potvrdi o ispravnosti, utvrditi prestanak vrijednosti potvrde i onemogućiti daljnju upotrebu, odnosno stavljanje u promet.

Član 72.

Nad primjenom odredaba ove uredbe o valjanosti žiga na mjerilima, odnosno potvrde o ispravnosti mjerila koja se upotrebljavaju u prometu robe i pri obavljanju usluga iz oblasti robnog prometa nadzor vrše opštinski organi uprave nadležni za poslove tržišne inspekcije.

Tržišni inspektor može svojim rješenjem odrediti upravne mjere iz člana 70. stav 1. ove uredbe ako je očito da je mjerilo neispravno.

VIII - KAZNE ODREDBE

Član 73.

Novčanom kaznom od 5.000.000 do 50.000.000 dinara, kaznit će se za privredni prijestup poduzeće ili druga pravna osoba:

1. ako upotrijebi ili stavi u promet mjerilo koje prema ovoj uredbi podliježe obaveznom pregledu, a nije na propisan način žigosano, odnosno nema potvrdu o ispravnosti mjerila (član 32. stav 1. i član 50);
2. ako u prometu određene robe ili pri obavljanju određenih usluga ne upotrijebi određenu mjernu jedinicu ili mjerilo određene vrste kad je propisana njihova obavezna upotreba (član 22. stav 2. i član 52. stav 2);
3. ako upotrijebi mjerilo za koje je ukinuto rješenje o odobrenju tipa mjerila (član 37. stav 2);

4. ako stavi u promet ili upotrijebi mjerilo za koje je propisana zabrana stavljanja u promet i upotrebe (član 53).

Za privredni prestup iz stava 1. ovog člana kaznit će se novčanom kaznom od 125.000 do 2.500.000 dinara i odgovorna osoba u poduzeću ili drugoj pravnoj osobi.

Za privredni prestup iz stava 1. ovog člana kaznit će se novčanom kaznom od 125.000 do 2.500.000 dinara i odgovorna osoba u organu društveno-političke zajednice, drugom državnom organu ili mjesnoj zajednici.

Uz novčanu kaznu za privredni prestup iz stava 2. ovog člana izreći će se i zaštitna mjera oduzimanja mjerila kojim je počinjen privredni prestup i predmeta koji su upotrebljeni ili su bili namijenjeni izvršenju privrednog prestupa ili koji su nastali izvršenjem privrednog prestupa.

Član 74.

Novčanom kaznom od 5.000.000 do 50.000.000 dinara kaznit će se za privredni prestup poduzeće ili druga pravna osoba:

1. ako u svom poslovanju odnosno radu upotrebljava mjerne jedinice koje se po ovoj uredbi ne mogu upotrebljavati u Republici (član 3);

2. ako stavi u promet mjerilo koje je uvezlo a za njega nije pribavljena potvrda Zavoda da udovoljava propisanim uvjetima (član 54. stav 1);

3. ako u skladu s ovom uredbom i propisima donesenim na temelju ove uredbi ili općim aktom pravne osobe ne obavlja periodični i izvanredni pregled mjerila koja upotrebljava u proizvodnom procesu rada ili ih ne podnosi na pregled (član 59).

Za privredni prestup iz stava 1. ovog člana kaznit će se novčanom kaznom od 625.000 do 2.500.000 dinara i odgovorna osoba u poduzeću ili drugoj pravnoj osobi.

Za privredni prestup iz stava 1. ovog člana kaznit će se novčanom kaznom od 625.000 do 2.500.000 dinara i odgovorna osoba u organu društveno-političke zajednice, drugom državnom organu ili mjesnoj zajednici.

Uz novčanu kaznu za privredni prestup iz stava 1. ovog člana izreći će se i zaštitna mjera oduzimanja predmeta koji su upotrebljeni ili su bili namijenjeni izvršenju privrednog prestupa, ili koji su nastali izvršenjem privrednog prestupa.

Član 75.

Novčanom kaznom od 600.000 do 6.000.000 dinara kaznit će se za prekršaj poduzeće ili druga pravna osoba:

1. ako upotrijebi mjerilo na način kojim se ne osigurava određena točnost mjerenja (član 4. stav 1);

2. ako ne upotrijebi mjerne jedinice pod nazivima i znakovima što su predviđeni ovom uredbom (član 19. stav 1);

3. ako pri ispitivanju tipa mjerila izvan službenih prostorija Zavoda ili pri pregledu mjerila na mjestu gdje se nalazi mjerilo odnosno gdje je mjerilo ugrađeno ili postavljeno, ne osigura potreban broj radnika i opremu za ispitivanje tipa mjerila odnosno za pregled mjerila (član 35. stav 3. i član 45. stav 1. tačka 3. i 4);

4. ako stavi u promet ili upotrijebi mjerilo kojemu je protekao rok periodičnog pregleda odnosno prestao vrijediti žig odnosno za koje je prestala vrijediti potvrda o ispravnosti mjerila (član 41. stav 6. i član 49. stav 5);

5. ako ne vodi evidenciju o obavljenim pregledima radnih etalona, uzoraka referentnih tvari i mjerila (član 61. stav 1);

6. ako ne omogući nesmetani nadzor ili ne da podatke potrebne za obavljanje nadzora (član 64. stav 1).

Za prekršaj iz stava 1. ovog člana kaznit će se novčanom kaznom od 625.000 do 1.250.000 dinara i odgovorna osoba u poduzeću ili drugoj pravnoj osobi.

Za prekršaj iz stava 1. ovog člana kaznit će se novčanom kaznom od 625.000 do 1.250.000 dinara i odgovorna osoba u organu društveno-političke zajednice, drugom državnom organu ili mjesnoj zajednici.

Član 76.

Novčanom kaznom od 625.000 do 1.250.000 dinara kaznit će se za prekršaj samostalni poduzetnik ako počinu koju od radnji iz člana 73. stav 1. člana 74. stav 1. tač. 1. i 2. i člana 75. stav 1. ove uredbi.

Novčanom kaznom od 75.000 do 750.000 dinara kaznit će se za prekršaj i pojedinac ako počinu koju od radnji iz člana 73. stav 1. člana 74. stav 1. tač. 1. i 2. i člana 75. stav 1. ove uredbi.

Član 77.

Uz novčanu kaznu za prekršaje iz čl. 75. i 76. ove uredbi izreći će se i zaštitna mjera oduzimanja mjerila i predmeta koji su upotrijebljeni ili su bili namijenjeni za izvršenje prekršaja ili koji su nastali izvršenjem prekršaja.

IX - PERLAZNE I ZAVRŠNE ODREDBE

Član 78.

Vlada, na prijedlog ministra energetike, rudarstva i industrije određuje rokove do kojih se mogu upotrebljavati mjerila kojima se obavlja mjerenje u mjernim jedinicama što nisu predviđeni ovom uredbom.

Vlada, na prijedlog ministra energetike, rudarstva i industrije određuje mjerne jedinice koje nisu navedene u prilogima br. 2, 4. i 5. koji su sastavni dio ove uredbi.

Vlada, na prijedlog ministra energetike, rudarstva i industrije donijet će odluku o visini i načinu plaćanja troškova iz člana 56. st. 1. i 2. ove uredbi, u roku od 30 dana od dana stupanja na snagu ove uredbi.

Član 79.

Danom stupanja na snagu ove uredbi prestaje primjena Zakona o mjernim jedinicama i mjerilima ("Službeni list SFRJ", br. 9/84, 18/84, 39/86, 20/89 i 9/90) koji je članom 1. Uredbe sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92) preuzet i primjenjuje se kao republički zakon.

Ministar energetike, rudarstva i industrije donijet će propise za sprovođenje ove uredbi iz člana 23. stav 2, člana 24. stav 2, člana 25. stav 2, člana 26. stav 2, člana 28. stav 3, člana 32. st. 2. i 3, člana 34. stav 4, člana 41. stav 1, člana 43. stav 3., člana 46. stav 2, člana 49. stav 1, člana 54. stav 3, člana 57. stav 2. i člana 60. stav 2.

Podzakonski propisi doneseni za sprovođenje zakona iz stava 1. ovog člana primjenjivat će se i po stupanju na snagu ove uredbi, a najduže do stupanja na snagu propisa iz stava 2. ovog člana.

Član 80.

Ova uredba stupa na snagu danom objavljivanja u "Službenom listu RBiH".

PR broj 1499/93

23. aprila 1993. godine
Sarajevo

Predsjednik
Predsjedništva RBiH,
Alija Izetbegović, s. r.

Prilog br. 1.

DEFINICIJE OSNOVNIH JEDINICA SI

1. DULJINA

Jedinica duljine jest metar. Metar je duljina puta koji svjetlost prijeđe u vakuumu za vrijeme jednog 299 792 458-og dijela sekunde.

2. MASA

Jedinica mase jest kilogram. Kilogram je masa međunarodne pramjere kilograma.

NAPOMENA:

Međunarodnu pramjeru kilograma potvrdila je 1889. g. Prva generalna konferencija za utege i mjere (CGPM), kad je proglašeno da se na međunarodna pramjera ubuduće smatra jedinicom mase. Međunarodna pramjera pohranjena je u Međunarodnom uredu za utege i mjere u Sevresu kraj Pariza.

3. VRIJEME

Jedinica vremena jest sekunda. Sekunda je trajanje 9 192 631 770 perioda zračenja koje odgovara prijelazu između dviju hiperfina razina osnovnog stanja atoma cezija 133.

4. JAKOST ELEKTRIČNE STRUJE

Jedinica jakosti električne struje jest amper (ampere). Amper je jakost stalne električne struje koja, kad se održava u dvama ravnim usporednim vodičima, neograničene duljine i zanemarljivo malena kružnoga poprečnog presjeka koji se nalaze u vakuumu međusobno razmaknuti jedan metar, proiz-

vodi među tim vodičima silu od $2 \cdot 10^{-7}$ njutna po metru njihove duljine.

5. TERMODINAMIČKA TEMPERATURA

Jedinica termodinamičke temperature jest kelvin. Kelvin je termodinamička temperatura koja je jednaka $1/273,16$ termodinamičke temperature trojne točke vode.

6. SVJETLOSNA JAKOST

Jedinica svjetlosne jakosti jest kandela. Kandela je svjetlosna jakost u određenom smjeru izvora koji odašilje monokro-

matsko zračenje frekvencije $540 \cdot 10^{12}$ herca i kojemu je energetska jakost u tom smjeru $1/683$ vata po steradianu.

7. MNOŽINA

Jedinica množine jest mol. Mol je množina sustava koji sadrži toliko elementarnih jedinki koliko ima atoma u $0,012$ kilograma ugljika 12 .

NAPOMENA:

Kad se upotrebljava mol, treba navesti elementarne jedinice, koje mogu biti atomi, molekule, ioni, elektroni i druge čestice ili određene skupine tih čestica.

Prilog br. 2.

TABLICA 1 - IZVEDENE JEDINICE SI S POSEBNIM NAZIVIMA I ZNAKOVIMA

VELIČINA	NAZIV	ZNAK	ISKAZANO DRUGIM JEDINICAMA	ISKAZANO OSNOVNIM JEDINICAMA
1	2	3	4	5
frekvencija (učestalost)	herc (hertz)	Hz		s^{-1}
sila	njutr (newton)	N		$m \cdot kg \cdot s^{-2}$
tlak, naprezanje	paskal (pascal)	Pa	N/m^2	$m^{-1} \cdot kg \cdot s^{-2}$
energija, rad	džul	J	$N \cdot m$	$m^2 \cdot kg \cdot s^{-2}$
toplina	joule		$W \cdot s$	
snaga, energetski tok	vat	W	J/s	$m^2 \cdot kg \cdot s^{-3}$
toplinski tok	(watt)			
električni naboj	kulon (coulomb)	C		$s \cdot A$
električni napon, elektromotorni napon	volt	V	W/A	$m^2 \cdot kg \cdot s^{-3} \cdot A$
električni potencijal				
električni kapacitet	farad	F	C/V	$m^{-2} \cdot kg^{-1} \cdot s^4 \cdot A^2$
električni otpor	om (ohm)	Ω	V/A	$m^2 \cdot kg \cdot s^{-3} \cdot A^{-2}$
električna vodljivost	simens (Siemens)	S	A/V	$m^{-2} \cdot kg^{-1} \cdot s^3 \cdot A^2$
magnetni tok	veber (weber)	Wb	$V \cdot s$	$m^2 \cdot kg \cdot s^{-2} \cdot A^{-1}$
			$t \cdot m^2$	
magnetna indukcija	tesla	T	Wb/m^2	$kg \cdot s^{-2} \cdot A^{-1}$
Induktivnost	henri (henry)	H	Wb/A	$m^2 \cdot kg \cdot s^{-2} \cdot A^{-2}$
Celzijeva temperatura*)	Celzijev stupanj	$^{\circ}C$		K
svjetlosni tok	lumen	lm	$cd \cdot sr$	cd
osvjetljenje (iluminacija)	luks	lx	lm/m^2	$m^{-2} \cdot cd$
aktivnost	bekerel			
radioaktivne tvari	(becquerel)	Bq		s^{-1}
asorbirana doza	grej	Gy	J/kg	$m^2 \cdot s^{-2}$
jonizirajućeg zračenja	(gray)			
ekvivalentna doza	sivert	Sv	J/kg	$m^2 \cdot s^{-2}$
dozni ekvivalent	(sievert)			
jonizirajućeg zračenja				

TABLICA 2 - NEKE IZVEDENE JEDINICE SI

Veličina	Naziv	Znak	Iskazano osnovnim SI jedinicama
ploština (površina)	četvorni metar	m^2	m^2
obujam (volumen)	kubni metar	m^3	m^3
brzina	metar u sekundi	m/s	$m \cdot s^{-1}$
ubrzanje	metar u sekundi na kvadrat	m/s^2	$m \cdot s^{-2}$
duljinska masa	kilogram po metru	kg/m	$m^{-1} \cdot kg$
plošna masa	kilogram po četvornom metru	kg/m^2	$m^{-2} \cdot kg$
gustoća	kilogram po kubnom metru	kg/m^3	$m^{-3} \cdot kg$
specifični obujam	kubni metar po kilogramu	m^3/kg	$m^3 \cdot kg^{-1}$
jakost magnetnog polja	amper po metru	A/m	$m^{-1} \cdot A$

*) Celzijeva temperatura (t) određena je izrazom $t = T - T_0$, gdje je T termodinamička temperatura, a $T_0 = 273,15$ K po definiciji.

gustoća električne struje	amper po četvornom metru	A/m^2	$m^{-2} \cdot A$
koncentracija	mol po kubnom metru	mol/m^3	$m^{-3} \cdot mol$
množinska (molarna) masa	kilogram po molu	kg/mol	$kg \cdot mol^{-1}$
svjetljivost (luminacija)	kandela o četvornom metru	cd/m^2	$m^{-2} \cdot cd$
obujamni protok	kubni metar u sekundi	m^3/s	$m^3 \cdot s^{-1}$
maseni potok	kilogram u sekundi	kg/s	$kg \cdot s^{-1}$
kutna brzina	radijan u sekundi	rad/s	s^{-1}
kutno ubrzanje	radijan u sekundi na kvadrat	rad/s^2	s^{-2}
kinematička viskoznost	četvorni metar u sekundi	m^2/s	$m^2 \cdot s^{-1}$
dinamička viskoznost	paskal sekunda	$Pa \cdot s$	$m^{-1} \cdot kg \cdot s^{-1}$
površinska napetost	njutn po metru	N/n	$kg \cdot s^{-2}$
entropija	džul po kelvinu	J/K	$m^2 \cdot kg \cdot s^{-2} \cdot K$
specifični toplinski kapacitet,	džul po kilogram kelvinu	$J/(kg \cdot K)$	$m^2 \cdot s^{-2} \cdot K^{-1}$
specifična entropija	džul po kilogramu	J/kg	$m^2 \cdot s^{-2}$
specifična energija	vat po metarkelvinu	$W/(m \cdot K)$	$m \cdot kg \cdot s^{-3} \cdot K^{-1}$
toplinska provodnost (vodljivost)	džul po kubnom metru	J/m^3	$m^{-1} \cdot kg \cdot s^{-2}$
obujamna energija	volt po metru	V/m	$m \cdot kg \cdot s^{-3} \cdot A$
jakost električnog polja	farad po metru	F/m	$m^{-3} \cdot kg^{-1} \cdot s^4$
permitivnost	henri po metru	H/m	$m \cdot kg \cdot s^{-2} \cdot A$
permeabilnost	džul po molu	J/mol	$m^2 \cdot kg \cdot s^{-2} \cdot mol$
množinska (molarna) energija	kulon po kilogramu	C/kg	$kg^{-1} \cdot s \cdot A$
ekspozicijska doza (ionizantnog značenja)	vat po steradianu	W/sr	$m^2 \cdot kg \cdot s^{-2}$
energetska jakost zračenja			

Prilog br. 3.

DEFINICIJE DOPUNSKIH JEDINICA SI

- 1) KUT (ravninski kut)
Jedinica kuta jest radijan. Radian je kut između dvaju polumjera koji na krugu isijecaju luk duljine jednake polumjeru (1 rad = 1).
- 2) UGAO (prostorni kut)
Jedinica ugla jest steradian. Steradian je ugao stošca s vrhom u središtu kugle, koji na plohi kugle omeđuje ploštinu jednaku ploštini kvadrat određenog polumjerom kugle (1 sr = 1).

Prilog br. 4.

MJERNE JEDINICE IZVAN MEĐUNARODNOG SUSTAVA JEDINICA S POSEBNIM NAZIVIMA

Veličina	Jedinica izvan SI naziv	znak	Vrijednost iskazana jedinicama SI	Dopuštena upotreba samo
duljina	morska milja		1 morska milja = 1852 m	u pomorskom, i zračnom prometu
	astronomska jedinica		1 astronomska jedinica $\approx 1,495\,978\,7 \cdot 10^{11}$ m	u astronomiji
	ar	a	1 a = 100 m ²	za iskazivanje ploštine zemlje
ploština	hektar	ha	1 ha = 10 000 m ²	za iskazivanje ploštine zemlje
obujam	litra	l, L	1 l = 1 L = 10 ⁻³ m ³	
kut	stupanj kutni	°	1° = ($\pi/180$) rad	
	minuta kutna	'	1' = ($\pi/10\,800$) rad	
	sekunda kutna	"	1" = ($\pi/648\,000$) rad	
	gon	g	1 g = ($\pi/200$) rad	
	tona	t	1 t = 10 ³ kg	
masa	atomska jedinica mase*)	u	1 u $\approx 1,660\,57 \cdot 10^{-27}$	kg u fizici i kemiji
duljinska masa	teks	tex	1 tex = 10 ⁻⁶ kg/m	za iskazivanje mase tekstilnog vlakna i konca
vrijeme	minuta	min	1 min = 60	
	sat	h	1 h = 3 600 s	
	dan	d	1 d = 86 400 s	
brzina	čvor		1 čvor = 1 852 3 600 m/s	u pomorskom, riječnom i zračnom prometu
tlak	bar	bar	1 bar = 10 ⁵ Pa	
	milimeter			

*) Atomska jedinica mase jednaka je 1/12 mase atoma nuklida ¹²C.

	živina stupca	mmHg	1 mm Hg = 133,322 Pa	za određivanje krvnog tlaka u zdravstvu
energija	elektronvolt*) voltamper	eV VA	1 eV ≈ 1,602 19 · 10 ⁻¹⁹ J 1 VA = 1 W	u specijaliziranim oblastima za određivanje prividne snage izmjenične električne struje
snaga	var	var	1 var = 1 W	za određivanje električne reaktivne (jalove) snage

Prilog br. 5.

NAZIVI PREDMETAKA SI, NJIHOVI ZNAKOVI I BROJČANE VRIJEDNOSTI TE NJIHOVA UPOTREBA

1. Nazivi, znakovi i brojčane vrijednosti predmetaka SI, navedene su u ovoj tablici:

Naziv	Znak	Brojčana vrijednost
eksa	E	1 000 000 000 000 000 000 = 10 ¹⁸
peta	P	1 000 000 000 000 000 = 10 ¹⁵
tera	T	1 000 000 000 000 = 10 ¹²
giga	G	1 000 000 000 = 10 ⁹
mega	M	1 000 000 = 10 ⁶
kilo	k	1 000 = 10 ³
hekto	h	100 = 10 ²
deka	da	10 = 10 ¹
deci	d	0,1 = 10 ⁻¹
centi	c	0,01 = 10 ⁻²
mili	m	0,001 = 10 ⁻³
mikro	μ	0,000 001 = 10 ⁻⁶
nano	n	0,000 000 001 = 10 ⁻⁹
piko	p	0,000 000 000 001 = 10 ⁻¹²
femto	f	0,000 000 000 000 001 = 10 ⁻¹⁵
ato	a	0,000 000 000 000 000 001 = 10 ⁻¹⁸

2. Precmeci SI mogu se upotrebljavati ispred:

- osnovnih jedinica SI, osim jedinica za masu
- izvedenih jedinica SI koje imaju poseban naziv i znak, osim jedinice za Celzijevu temperaturu,
- ovih mjernih jedinica izvan jedinica SI: litra, tona teks, bar, elektronvolt, voltamper i var.

3. Predmeci SI mogu se upotrebljavati ispred mjernih jedinica iz to 2. ovog priloga i kad se te jedinice nalaze u sastavu drugih izvedenih jedinica SI i kombiniranih mjernih jedinica koje se iskazuju u obliku umnoška ili količnika.

4. Ispred mjerne jedinice može se upotrijebiti samo jedan predmetak SI.

5. Eksponent koji se stavlja na znak mjerne jedinice odnosi se na cijelu decimalnu mjernu jedinicu.

Prilog br. 6.

NAČIN PISANJA MJERNIH JEDINICA

1. Znakovi mjernih jedinica pišu se uspravnim slovima abecede i slovima grčkog alfabeta;

2. Znakovi mjernih jedinica pišu se bez točke na kraju.

3. Naziv predmetka SI i naziv mjerne jedinice pišu se zajedno kao jedna riječ.

4. Znak predmetka SI i znak mjerne jedinice pišu se zajedno.

5. Umnožak dviju mjernih jedinica naznačuje se točkom kao znakom množenja. Točka se može izostaviti kad je znak mjerne jedinice takav da ne može nastati zabuna.

6. Ako se mjerna jedinica tvori međusobnim dijeljenjem dviju mjernih jedinica, za znak dijeljenja može se upotrijebiti kosa (/) ili vodoravna crta (-) ili negativni eksponent.

NAPOMENA:

U sustavima za obradu podataka, koji raspolažu ograničenim skupom znakova, mogu se upotrebljavati posebno prilagođeni znakovi mjernih jedinica te množenja, dijeljenja i potenciranja.

*) Elektronvolt jednak je kinetičkoj energiji koju dobije elektron prolazeći u vakuumu potencijalnu razliku od 1 volta

285

Na osnovu člana 14. i člana 45. stav 2. Zakona o Vladi Republike Bosne i Hercegovine ("Službeni list SRBiH", broj 33/91 i "Službeni list RBiH", br. 4/92 i 18/92), Vlada Republike Bosne i Hercegovine, donosi

ODLUKU

O IZMJENAMA I DOPUNAMA ODLUKE O OBRAZOVANJU PRAVNOG SAVJETA VLADE REPUBLIKE BOSNE I HERCEGOVINE

I
U Odluci o obrazovanju Pravnog savjeta Vlade Republike Bosne i Hercegovine ("Službeni list RBiH", broj 15/92) u tački V riječ "devet" zamjenjuje se brojem "15".

II
U tački VI iza riječi "imenuje" dodaje se riječ "rješenjem".

III
Tačka VII briše se.

IV
Ova odluka stupa na snagu danom objavljivanja u "Službenom listu RBiH".

V broj 180/93
19. juna 1993. godine
Sarajevo

Potpredsjednik
Vlade RBiH,
mr Hadžo Eendić, s. r.

286

Na osnovu člana 3. stav 1. Zakona o naknadama za korišćenje podataka i vršenja usluga u oblasti premjera i katastra nekretnina ("Službeni list SRBiH", br. 38/85 i 12/87) Vlada Republike Bosne i Hercegovine, donosi

ODLUKU

O IZMJENAMA ODLUKE O VISINI NAKNADE ZA KORIŠĆENJE PODATAKA PREMJERA I KATASTRA NEKRETNOSTI

I
U Odluci o visini naknada za korišćenje podataka premjera i katastra nekretnina ("Službeni list SRBiH", br. 41/89, 7/90, 43/90, 22/91 i 6/92 i "Službeni list RBiH", broj 19/92) Tarifa koja je sastavni dio Odluke mijenja se i glasi:

TARIFA
NAKNADA ZA KORIŠĆENJE PODATAKA
PREMJERA, KATASTRA NEKRETNOSTI, KATASTRA
ZEMLJIŠTA I VRŠENJA USLUGA

A. Naknada za korišćenje podataka

1. Geodetska osnova

Tarifni broj 1.

Plaća se dinara
a) za podatke triangulacije svih redova i poligono-
metrije koja zamjenjuje triangulaciju, po tački 78.000
b) za podatke nivelmana svih redova uključivo i
građanske nivelmanske mreže, po reperu 40.000

- c) za podatke mreže veznih tačaka, po tački 56.400
 d) za podatke mreže poligonskih tačaka, po tački 40.000
 Napomena: Naknada se odnosi na tačku odnosno reper, bez obzira na to da li sadrži samo koordinate, koordinate i visinu, položajni opis ili sve podatke.

2. Planovi

Tarifni broj 2.

- a) za planove na kartografskom papiru:
 1. razmjere 1:1000 i 1:500, po listu 120.000
 2. razmjere 1:2500 formata 45×60 cm po listu 108.000
 3. razmjere 1:2500 format 60×90 cm, po listu 216.000
 4. razmjere 1:5000, po listu 300.000
 5. razmjere 1:6250, 1:3125 i 1:1562,5
 stari austrougarski premjer, po listu 30.000
 6. razmjere 1:10.000 format 45×60 cm po listu 120.000
 7. razmjere 1:10.000 format 45×30 cm po listu 60.000
 b) za planove na providnom papiru:
 Za sve proizvode pod brojem 1 do 7 tačke a) naknada po listu povećava se za 100%

3. Karta

Tarifni broj 3.

- a) za kartu na kartografskom papiru:
 1. razmjere 1:5000, po listu 300.000
 2. razmjere 1:10.000, po listu 360.000
 3. topografska karta razmjere 1:25.000 (potpun sadržaj-četverobojni tisak), po listu 84.000
 4. topografska karta razmjere 1:25.000 (potpun sadržaj-sivi tisak), po listu 60.000
 5. topografska karta razmjere 1:25.000 (reljef i hidrografija), po listu 40.000
 6. topografska karta razmjere 1:200.000 (potpun sadržaj-četverobojni tisak), po listu 120.000
 7. topografska karta razmjere 1:200.000 (potpun sadržaj-sivi tisak), po listu 84.000
 8. karta katastarskih opština RBiH razmjere 1:300.000 slijepljena sa lajsnama 120.000
 9. karta katastarskih opština RBiH razmjere 1:300.000 u listovima 84.000
 10. karta naseljenih mjesta RBiH 1:200.000 kaširana sa lajsnama 900.000
 11. karta naseljenih mjesta RBiH 1:200.000 u listovima 600.000
 12. karta RBiH razmjere 1:1.000.000 90.000
 13. karta "Skica podjele na listove" razmjere 1:100.000, po listu 180.000

b) za karte na providnom papiru:

Za sve proizvode pod brojem 1-7 tačke a) naknada po listu povećava se za 100%.

4. Kopije planova

Tarifni broj 4.

- a) za kopije planova na neprovidnom papiru:
 1. razmjere 1:1000 i 1:500, po listu 84.000
 2. razmjere 1:2500 format 45×60 cm, po listu 90.000
 3. razmjere 1:2500 format 60×90 cm, po listu 180.000
 4. razmjere 1:5000, po listu 252.000
 5. razmjere 1:10.000 format 45×60 cm, po listu 84.000
 6. razmjere 1:10.000 format 45×30 cm, po listu 42.000
 b) za kopije planova na providnom papiru:
 Za sve proizvode pod brojem 1-6 tačka a) naknada po listu povećava se za 100%.

5. Kopije karata

Tarifni broj 5.

- a) za kopije karata na neprovidnom papiru:
 1. razmjere 1:5000, po listu 252.000
 2. razmjere 1:10.000, po listu 300.000
 3. karta RBiH razmjere 1:1.000.000 56.400
 4. karta podjele Republike na katastarske opštine razmjere 1:150.000, po listu 84.000
 5. karta "Skica podjele na listove" razmjere 1:100.000, po listu 84.000

b) za kopije karata na providnom papiru:

Za sve proizvode pod brojem 1-5 tačka a) naknada po listu povećava se za 100%.

Napomena uz Tarifni broj 2-5

1. Za korišćenje planova i karata koji nisu puni detalja, naknada se plaća srazmjerno površini lista pod detaljom, i to 1/4, 1/2 ili 3/5 tarife za cijeli list.

2. Kada se pored kopija na kartografskom papiru uzimaju kopije od istih listova na ozolid papiru, za kopije na ozolid papiru ne naplaćuje se naknada za korišćenje podataka premjera.

3. Naknada za kopije planova i karata naplaćuje se isto bez obzira da li kopija sadrži samo horizontalnu ili horizontalnu i visinsku predstavku terena.

6. Foto kopija

Tarifni broj 6.

Za korišćenje snimaka fotogrametrijskog snimanja, po snimku 42.000

7. Kopije detalja sa planova

Tarifni broj 7.

a) za kopije detalja sa planova naknada se plaća po broju poena, i to:

1. do 10 poena 20.400
 2. za svaki dalji poen preko 10 poena 4.800

b) za kopije detalja sa planova kada se radi o većim objektima i parcelama, za koje nije moguće primijeniti način obračunavanja naknada, naknada za korišćenje se obračunava prema potrebnom vremenu za kopiranje, po satu 42.000

c) ako se kopije planova izradene u smislu tačke a) i b) ovog Tarifnog broja dalje umnožavaju bilo kojom tehnikom, naknada za korišćenje podataka na ovim kopijama se ne plaća.

d) Izvodi sa magnetnih traka ili diskova, katastra zemljišta, i to:

1. za parcelu 1.200
 2. za posjednika 1.800
 3. za nosioca prava na nekretninama 1.800

e) Izvodi iz uspostave nove evidencije katastra nekretnina, i to:

1. za posjednika 1.800
 2. za parcelu 1.200
 3. za zgradu 840

Napomena uz Tarifni broj 7.

1. Pod brojem poena podrazumijeva se zbir broja decimetarskih kvadrata kopiranog detalja pomnožen sa 6, broja parcela i broja objekata.

2. Površina ispod jednog kvadratnog decimetra računa se kao cio kvadratni decimetar.

3. Naknada po tački a) pod 1. i 2. računa se odvojeno za svaki lokalitet.

4. Kada se kopira i visinska predstava terena, naknada se povećava sa 100%.

5. Nezatvorene parcele smatraju se kao cijele parcele.

8. Statistički podaci

Tarifni broj 8.

a) za podatke o površinama, parcelama i kulturama kao i o katastarskom prihodu, i to:

1. za katastarsku opštinu 300.000
 2. za područje opštine zbirni podaci 420.000
 3. za teritoriju RBiH zbirni podaci 540.000

9. Indikacione skice i fotokopije planova

Tarifni broj 9.

a) samostalni geodetski privrednik ili preduzeće plaća za jedan dan korištenja, i to:

1. za indikacionu skicu, po skici 12.000
 2. za fotokopiju planova razmjere 1:6250, 1:3125 i 1:1562,5, po planu 12.000

B. Naknada za usluge

Tarifni broj 10.

Naknada za usluge naplaćuje se:

a) za kopije podataka geodetske osnove iz Tarifnog broja 1. u iznosu 10% od visine naknade utvrđene za korišćenje podataka iz tačke a) Tarifnog broja 1.

b) naknada za kopiranje i materijal za izradu kopije planova i karata nije obuhvaćena ovom Tarifom, a plaća se po cijeni koštanja koju formira ustanova ili preduzeće koje vrši te usluge.

c) ako korisnik obezbijedi materijal (transparent, folareks ili ozolid naknada za usluge umanjuje se za 50%.

II

Ova odluka stupa na snagu danom objavljivanja u "Službenom listu RBiH".

V. broj 181/93
26. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

287

Na osnovu člana 13. Uredbe sa zakonskom snagom o raseljenim licima i izbjeglicama ("Službeni list RBiH", broj 18/92), Vlada Republike Bosne i Hercegovine, donosi

RJEŠENJE

O POSTAVLJENJU DIREKTORA OKRUŽNOG UREDA ZA RASELJENA LICA I IZBJEGLICE U BANJALUCI

Za direktora Okružnog ureda za raseljena lica i izbjeglice u Banjaluci postavlja se NEDŽAD MUMINOVIC.

Ovo rješenje objaviti u "Službenom listu RBiH".

V broj 146/93
29. maja 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

288

Na osnovu člana 13. Uredbe sa zakonskom snagom o raseljenim licima i izbjeglicama ("Službeni list RBiH", broj 18/92), Vlada Republike Bosne i Hercegovine, donosi

RJEŠENJE

O POSTAVLJENJU DIREKTORAO KRUŽNOG UREDA ZA RASELJENA LICA I IZBJEGLICE U MOSTARU

Za direktora Okružnog ureda za raseljena lica i izbjeglice u Mostaru postavlja se ZEJNA NAMETAK.

Ovo rješenje objaviti u "Službenom listu RBiH".

V broj 145/93
29. maja 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

289

Na osnovu člana 13. Uredbe sa zakonskom snagom o raseljenim licima i izbjeglicama ("Službeni list RBiH", broj 18/92), Vlada Republike Bosne i Hercegovine, donosi

RJEŠENJE

O POSTAVLJENJU DIREKTORA OKRUŽNOG UREDA ZA RASELJENA LICA I IZBJEGLICE U ZENICI

Za direktora Okružnog ureda za raseljena lica i izbjeglice u Zenici postavlja se EDINA ISLAMOVIC.

Ovo rješenje objaviti u "Službenom listu RBiH".

V broj 144/93
29. maja 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

290

Na osnovu člana 13. Uredbe sa zakonskom snagom o raseljenim licima i izbjeglicama ("Službeni list RBiH", broj 18/92), Vlada Republike Bosne i Hercegovine, donosi

RJEŠENJE

O POSTAVLJENJU DIREKTORA OKRUŽNOG UREDA ZA RASELJENA LICA I IZBJEGLICE U TUZLI

Za direktora Okružnog ureda za raseljena lica i izbjeglice u Tuzli postavlja se BEHIJA ČIŠIĆ.

Ovo rješenje objaviti u "Službenom listu RBiH".

V broj 143/93
29. maja 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

291

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", br. 6/92 i 8/93), Vlada Republike Bosne i Hercegovine, donosi

RJEŠENJE

O IMENOVANJU DIREKTORA NARODNE I UNIVERZITETSKE BIBLIOTEKE BOSNE I HERCEGOVINE

Za direktora Narodne i univerzitetske biblioteke Bosne i Hercegovine imenuje se dr ENES KUJUNDŽIĆ.

Ovo rješenje objaviti u "Službenom listu RBiH".

V broj 137/93
29. maja 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

292

Na osnovu člana 188. stav 1. u vezi sa članom 347. stav 2. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE

O POSTAVLJENJU POMOĆNIKA DIREKTORA UPRAVE ZA BORAČKO-INVALIDSKU ZAŠTITU RBiH

Za pomoćnika direktora Uprave za boračko-invalidsku zaštitu RBiH postavlja se HALIL POLIMAC.

Ovo rješenje objaviti u "Službenom listu RBiH".

V broj 147/93
29. maja 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

293

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE

O POSTAVLJENJU GLAVNOG REPUBLIČKOG SANITARNOG INSPEKTORA

Za glavnog republičkog sanitarnog inspektora u Ministarstvu zdravlja postavlja se dr OMILJKO SLIJEPCJEVIC.

Ovo rješenje objaviti u "Službenom listu RBiH".

V broj 136/93
29. maja 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

294

Na osnovu člana 188. stav 1. u vezi sa članom 347. stav 2. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE**O POSTAVLJENJU POMOĆNIKA SEKRETARA
SEKRETARIJATA ZA ZAKONODAVSTVO VLADE
R BiH**

Za pomoćnika sekretara Sekretarijata za zakonodavstvo
Vlade R BiH postavlja se SABAHUDIN PAŠIĆ.
Ovo rješenje objaviti u "Službenom listu R BiH".

V broj 141/93 Potpredsjednik
29. maja 1993. godine Vlade R BiH,
Sarajevo mr Hadžo Efendić, s. r.

295

Na osnovu člana 188. stav 1. u vezi sa članom 347. stav 2.
Zakona o državnoj upravi ("Službeni list SR BiH", br. 8/90,
22/90, 10/91 i 14/91 i "Službeni list R BiH", br. 4/92, 21/92 i
3/93), Vlada Republike Bosne i Hercegovine, donosi

RJEŠENJE**O POSTAVLJENJU POMOĆNIKA SEKRETARA
SEKRETARIJATA ZA ZAKONODAVSTVO VLADE
R BiH**

Za pomoćnika sekretara Sekretarijata za zakonodavstvo
Vlade R BiH postavlja se VALERIJA GALIĆ.
Ovo rješenje objaviti u "Službenom listu R BiH".

V broj 140/93 Potpredsjednik
29. maja 1993. godine Vlade R BiH,
Sarajevo mr Hadžo Efendić, s. r.

296

Na osnovu člana 188. stav 1. u vezi sa članom 347. stav 2.
Zakona o državnoj upravi ("Službeni list SR BiH", br. 8/90,
22/90, 10/91 i 14/91 i "Službeni list R BiH", br. 4/92, 21/92 i
3/93), Vlada Republike Bosne i Hercegovine, donosi

RJEŠENJE**O POSTAVLJENJU POMOĆNIKA SEKRETARA
SEKRETARIJATA ZA ZAKONODAVSTVO VLADE
R BiH**

Za pomoćnika sekretara Sekretarijata za zakonodavstvo
Vlade R BiH postavlja se AZRA BUBLIN.
Ovo rješenje objaviti u "Službenom listu R BiH".

V broj 142/93 Potpredsjednik
24. maja 1993. godine Vlade R BiH,
Sarajevo mr Hadžo Efendić, s. r.

297

Na osnovu člana 53. Zakona o Vladi Republike Bosne i
Hercegovine ("Službeni list SR BiH", broj 33/90 i "Službeni list
R BiH", br. 4/92, 19/92 i 23/92), Vlada Republike Bosne i
Hercegovine, donosi

RJEŠENJE**O IMENOVANJU ZAMJENIKA SEKRETARA
SEKRETARIJATA ZA ZAKONODAVSTVO VLADE
R BiH**

Za zamjenika sekretara Sekretarijata za zakonodavstvo
Vlade R BiH imenuje se MILENKO LEPUŠINA.
Ovo rješenje objaviti u "Službenom listu R BiH".

V broj 139/93 Potpredsjednik
29. maja 1993. godine Vlade R BiH,
Sarajevo mr Hadžo Efendić, s. r.

298

Na osnovu člana 188. stav 1. Zakona o državnoj upravi
("Službeni list SR BiH", br. 8/90, 22/90, 10/91 i 14/91 i "Služ-
beni list R BiH", br. 4/92, 21/92 i 3/93), Vlada Republike Bosne
i Hercegovine, donosi

RJEŠENJE**O RAZRJEŠENJU PODSEKRETARA U
MINISTARSTVU ODBRANE**

Razrješava se MILENKO LEPUŠINA dužnosti podsekre-
tara u Ministarstvu odbrane, radi odlaska na drugu dužnost.
Ovo rješenje objaviti u "Službenom listu R BiH".

V broj 138/93 Potpredsjednik
29. maja 1993. godine Vlade R BiH,
Sarajevo mr Hadžo Efendić, s. r.

299

Na osnovu tačke VI Odluke o obrazovanju Pravnog savjeta
Vlade Republike Bosne i Hercegovine ("Službeni list R BiH",
broj 15/92), Vlada Republike Bosne i Hercegovine, donosi

RJEŠENJE**O IMENOVANJU PREDSJEDNIKA I ČLANOVA
PRAVNOG SAVJETA VLADE R BiH**

1. Za predsjednika Pravnog savjeta Vlade R BiH imenuje se
prof. dr OMER IBRAHIMAGIĆ.
2. Za članove Pravnog savjeta imenuju se:
 - 1) prof. dr IBRAHIM FESTIĆ
 - 2) prof. dr EDIN MUMINOVIĆ
 - 3) doc. dr SIMIĆ MILIĆ
 - 4) doc. dr ZVONIMIR TOMIĆ
 - 5) dr ČAZIM SADIKOVIĆ
 - 6) IBRAHIM VEHAHOVIĆ
 - 7) ANTON ŠTITIĆ
 - 8) SILVIJA ČUPKA
 - 9) MIRKO SOLOMUN
 - 10) mr HASAN HADŽIABDIĆ
 - 11) SALIH KARABDIĆ
 - 12) JUSUF ZAHIRAGIĆ
3. Ovo rješenje objaviti u "Službenom listu R BiH".

V broj 172/93 Potpredsjednik
19. juna 1993. godine Vlade R BiH,
Sarajevo mr Hadžo Efendić, s. r.

300

Na osnovu tač. IV i V Odluke o obrazovanju Komisije za
međunarodno ratno pravo ("Službeni list R BiH", broj 20/92),
Vlada Republike Bosne i Hercegovine, donosi

RJEŠENJE**O IMENOVANJU PREDSJEDNIKA, ZAMJENIKA
PREDSJEDNIKA I ČLANOVA KOMISIJE ZA
MEĐUNARODNO RATNO PRAVO**

1. Za predsjednika Komisije za međunarodno ratno pravo
imenuje se dr ZVONKO TOMIĆ.
2. Za zamjenika predsjednika Komisije imenuje se mr
SEAD HODŽIĆ.
3. Za članove Komisije imenuju se:
 - 1) mr BOJANA TKALČIĆ-DULIĆ
 - 2) MILOVAN DODIK
 - 3) ESAD SULJIĆ
 - 4) BORIS ARNAUT
 - 5) SENAD KREHO
 - 6) EKREM GALIJATOVIĆ
 - 7) ZDRAVKO KNEŽEVIĆ
 - 8) MEHMED DEKOVIĆ
 - 9) SLAVKO AŠČERIĆ
 - 10) PLAMENKO ČUSTOVIĆ
4. Za sekretara Komisije postavlja se ENVER LOJO.
5. Ovo rješenje objaviti u "Službenom listu R BiH".

V broj 173/93 Potpredsjednik
19. juna 1993. godine Vlade R BiH,
Sarajevo mr Hadžo Efendić, s. r.

301

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE**O RAZRJEŠENJU POMOĆNIKA MINISTRA UNUTRAŠNJIH POSLOVA**

Razrješava se ISMET DAHIĆ dužnosti pomoćnika ministra unutrašnjih poslova.

Ovo rješenje objaviti u "Službenom listu RBiH".

V broj 155/93 Potpredsjednik
19. juna 1993. godine Vlade RBiH,
Sarajevo mr Hadžo Efendić, s. r.

302

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE**O RAZRJEŠENJU POMOĆNIKA MINISTRA UNUTRAŠNJIH POSLOVA**

Razrješava se ZORAN MILANOVIĆ dužnosti pomoćnika ministra unutrašnjih poslova.

Ovo rješenje objaviti u "Službenom listu RBiH".

V broj 174/93 Potpredsjednik
19. juna 1993. godine Vlade RBiH,
Sarajevo mr Hadžo Efendić, s. r.

303

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE**O RAZRJEŠENJU POMOĆNIKA MINISTRA UNUTRAŠNJIH POSLOVA**

Razrješava se NIJAZ SKENDERAGIĆ dužnosti pomoćnika ministra unutrašnjih poslova.

Ovo rješenje objaviti u "Službenom listu RBiH".

V broj 175/93 Potpredsjednik
19. juna 1993. godine Vlade RBiH,
Sarajevo mr Hadžo Efendić, s. r.

304

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE**O POSTAVLJENJU POMOĆNIKA MINISTRA UNUTRAŠNJIH POSLOVA**

Za pomoćnika ministra unutrašnjih poslova postavlja se OMER STAMBOLIĆ.

Ovo rješenje objaviti u "Službenom listu RBiH".

V broj 176/93 Potpredsjednik
19. juna 1993. godine Vlade RBiH,
Sarajevo mr Hadžo Efendić, s. r.

305

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE**O POSTAVLJENJU POMOĆNIKA MINISTRA UNUTRAŠNJIH POSLOVA**

Za pomoćnika ministra unutrašnjih poslova postavlja se DRAGAN MEDOVIĆ.

Ovo rješenje objaviti u "Službenom listu RBiH".

V broj 177/93 Potpredsjednik
19. juna 1993. godine Vlade RBiH,
Sarajevo mr Hadžo Efendić, s. r.

306

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE**O POSTAVLJENJU POMOĆNIKA MINISTRA UNUTRAŠNJIH POSLOVA**

Za pomoćnika ministra unutrašnjih poslova postavlja se GORAN VARUNEK.

Ovo rješenje objaviti u "Službenom listu RBiH".

V broj 178/93 Potpredsjednik
19. juna 1993. godine Vlade RBiH,
Sarajevo mr Hadžo Efendić, s. r.

307

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE**O POSTAVLJENJU POMOĆNIKA MINISTRA ROBNOG PROMETA, PODUZETNIŠTVA I TURIZMA**

Za pomoćnika ministra robnog prometa, poduzetništva i turizma postavlja se SEAD DELIĆ.

Ovo rješenje objaviti u "Službenom listu RBiH".

V broj 161/93 Potpredsjednik
19. juna 1993. godine Vlade RBiH,
Sarajevo mr Hadžo Efendić, s. r.

308

Na osnovu člana 7. Uredbe o Službi za zajedničke poslove republičkih organa ("Službeni list RBiH", broj 8/93), Vlada Republike Bosne i Hercegovine, donosi

RJEŠENJE**O POSTAVLJENJU V. D. DIREKTORA SLUŽBE ZA ZAJEDNIČKE POSLOVE REPUBLIČKIH ORGANA**

Za v. d. direktora Službe za zajedničke poslove republičkih organa postavlja se MENSUR HADŽIMUSIĆ.

Ovo rješenje objaviti u "Službenom listu RBiH".

V broj 162/93 Potpredsjednik
19. juna 1993. godine Vlade RBiH,
Sarajevo mr Hadžo Efendić, s. r.

309

Na osnovu člana 7. Uredbe o Servisu za ugostiteljstvo republičkih organa ("Službeni list RBiH", broj 8/93), Vlada Republike Bosne i Hercegovine, donosi

RJEŠENJE**O POSTAVLJENJU V. D. DIREKTORA SERVISA ZA UGOSTITELJSTVO REPUBLIČKIH ORGANA**

Za v. d. direktora Servisa za ugostiteljstvo republičkih organa postavlja se AHMED ŠETKIĆ.

Ovo rješenje objaviti u "Službenom listu RBiH".

V broj 163/93
19. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

310

Na osnovu člana 6. Uredbe o Auto-servisu republičkih organa ("Službeni list RBiH", broj 8/93), Vlada Republike Bosne i Hercegovine, donosi

RJEŠENJE

O POSTAVLJENJU V. D. DIREKTORA AUTO-SERVISIA REPUBLIČKIH ORGANA

Za v. d. direktora Auto-servisa republičkih organa postavlja se BEČIR SEJTANIĆ.

Ovo rješenje objaviti u "Službenom listu RBiH".

V broj 164/93
19. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

311

Na osnovu člana 188. stav 1. u vezi sa članom 347. stav 2. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE

O RAZRJEŠENJU POMOĆNIKA DIREKTORA ZAVODA ZA STATISTIKU RBiH

Razrješava se EJUB SIJERČIĆ dužnosti pomoćnika direktora Zavoda za statistiku RBiH, sa 30. aprilom 1993. godine, zbog odlaska u penziju.

Ovo rješenje objaviti u "Službenom listu RBiH".

V broj 165/93
19. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

312

Na osnovu člana 6. Zakona o Agenciji za prestrukturiranje i rekaptalizaciju u SRBiH ("Službeni list SRBiH", broj 33/90), Vlada Republike Bosne i Hercegovine, donosi

RJEŠENJE

O IMENOVANJU V. D. DIREKTORA AGENCIJE ZA PRESTRUKTURIRANJE I REKAPTALIZACIJU

Za v. d. direktora Agencije za prestrukturiranje i rekaptalizaciju imenuje se SAFET PROHO.

Ovo rješenje objaviti u "Službenom listu RBiH".

V broj 166/93
19. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

313

Na osnovu člana 13. stav 4. Uredbe sa zakonskom snagom o javnim preduzećima ("Službeni list RBiH", br. 4/92 i 21/92), Vlada Republike Bosne i Hercegovine, donosi

RJEŠENJE

O IMENOVANJU GENERALNOG DIREKTORA ORGANIZACIJE ZA OSIGURANJE "SARAJEVO- OSIGURANJE" D. D. SARAJEVO

Za generalnog direktora Organizacije za osiguranje "Sarajevo-osiguranje" d. d. Sarajevo imenuje se FADIL NJEMCEVIĆ.

Ovo rješenje objaviti u "Službenom listu RBiH".

V broj 167/93
19. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

314

Na osnovu člana 12. stav 3. Uredbe sa zakonskom snagom o Institutu za istraživanje zločina protiv čovječnosti i međunarodnog prava ("Službeni list RBiH", broj 16/92), Vlada Republike Bosne i Hercegovine, donosi

RJEŠENJE

O IMENOVANJU ČLANOVA NAUČNOG VIJEĆA INSTITUTA ZA ISTRAŽIVANJE ZLOČINA PROTIV ČOVJEČNOSTI I MEĐUNARODNOG PRAVA

1. Za članove Naučnog vijeća Instituta za istraživanje zločina protiv čovječnosti i međunarodnog prava imenuju se:

- 1) prof. dr OMER IBRAHIMAGIĆ
- 2) prof. dr NIKOLA FILIPOVIĆ
- 3) mr BOGIĆ BOGIČEVIĆ

2. Ovo rješenje objaviti u "Službenom listu RBiH".

V broj 168/93
19. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

315

Na osnovu tačke VI Odluke o obrazovanju Pravnog savjeta Vlade Republike Bosne i Hercegovine ("Službeni list RBiH", broj 15/92), Vlada Republike Bosne i Hercegovine, donosi

RJEŠENJE

O RAZRJEŠENJU PREDSEDNIKA I ČLANOVA PRAVNOG SAVJETA VLADE RBiH

1. Razrješava se dr PETAR SIMONETTI dužnosti predsjednika Pravnog savjeta Vlade RBiH.

2. Razrješavaju se članovi Pravnog savjeta:

- 1) dr IBRAHIM FESTIĆ
- 2) dr ZDRAVKO GREBO
- 3) dr ISMET DAUTBAŠIĆ
- 4) dr NEDO MILIČEVIĆ
- 5) DUŠKO OBRADOVIĆ
- 6) MERSIJA ISAK
- 7) ZDRAVKO KNEŽEVIĆ
- 8) MIRKO ZOVKO

3. Ovo rješenje objaviti u "Službenom listu RBiH".

V broj 171/93
19. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

316

Na osnovu člana 2. stav 1. Uredbe o načinu formiranja cijena određenih proizvoda i usluga ("Službeni list SRBiH", br. 4/92, 5/92 i 7/92) i "Službeni list RBiH", broj 1/92), Vlada Republike Bosne i Hercegovine, donosi

RJEŠENJE

O DAVANJU SAGLASNOSTI NA CIJENE OSNOVNIH USLUGA U UNUTRAŠNJEM POŠTANSKOM, TELEGRAFSKOM I TELEFONSKOM SAOBRAĆAJU

1. Daje se saglasnost Javnom preduzeću PTT saobraćaja Bosne i Hercegovine - Sarajevo da cijene osnovnih usluga u unutrašnjem poštanskom, telegrafskom i telefonskom saobraćaju, poveća u prosjeku za 245%.

2. Cijene PTT usluga iz tačke 1. ovog rješenja primjenjivat će se od 1. juna 1993. godine.

3. Obavezuje se Javno preduzeće PTT saobraćaja BiH - Sarajevo da cjenovnik, usaglašen sa ovim rješenjem, dostavi Ministarstvu robnog prometa, poduzetništva i turizma, u roku od tri dana od dana početka primjene cijena utvrđenih ovim rješenjem.

4. Ovo rješenje objaviti u "Službenom listu RBiH".

V broj 149/93
29. maja 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

317

Na osnovu člana 2. stav 1. Uredbe o načinu formiranja cijena određenih proizvoda i usluga ("Službeni list SRBiH", br. 4/92, 5/92 i 7/92 i "Službeni list RBiH", broj 1/92), Vlada Republike Bosne i Hercegovine, donosi

RJEŠENJE**O DAVANJU SAGLASNOSTI NA CIJENE UGLJA ZA TERMoeLEKTRANE**

1. Daje se saglasnost rudnicima uglja u Republici Bosni i Hercegovini, da cijene uglja za termoelektreane mogu povećati za 382%;

2. Cijene uglja za termoelektreane iz tačke 1. ovog rješenja primjenjivaće se od 1. jula 1993. godine;

3. Rudnici uglja dužni su da cjenovnik usaglašen sa ovim rješenjem dostave Ministarstvu robnog prometa, poduzetništva i turizma u roku od tri dana od dana primjene cijena uglja za termoelektreane utvrđene ovim rješenjem;

4. Ovo rješenje objaviće se u "Službenom listu RBiH".

V broj 159/93

Potpredsjednik

19. juna 1993. godine

Vlade RBiH,

Sarajevo

mr Hadžo Efendić, s. r.

318

Na osnovu člana 2. stav 1. Uredbe o načinu formiranja cijena određenih proizvoda i usluga ("Službeni list SRBiH", br. 4/92, 5/92 i 7/92 i "Službeni list RBiH", broj 1/92), Vlada Republike Bosne i Hercegovine, donosi

RJEŠENJE**O DAVANJU SAGLASNOSTI NA CIJENE ELEKTRIČNE ENERGIJE**

1. Daje se saglasnost Javnom preduzeću "Elektroprivreda BiH" - Sarajevo da cijene električne energije poveća za 382%;

2. Cijene električne energije iz tačke 1. ovog rješenja primjenjivaće se od 1. jula 1993. godine;

3. Nalaže se javnom preduzeću za proizvodnju, prenos i distribuciju električne energije "Elektroprivredi BiH" Sarajevo da cjenovnik usaglašen sa ovim rješenjem dostavi Ministarstvu robnog prometa, poduzetništva i turizma, u roku od tri dana od dana početka primjene cijena električne energije utvrđenih ovim rješenjima;

4. Ovo rješenje objaviće se u "Službenom listu RBiH".

V broj 160/93

Potpredsjednik

24. juna 1993. godine

Vlade RBiH,

Sarajevo

mr Hadžo Efendić, s. r.

319

Na osnovu člana 37. stav 5. Zakona o zaštiti civilnih žrtava rata - Prečišćeni tekst ("Službeni list SRBiH", br. 34/84, 41/87, 41/89 i 33/90), ministar rada i socijalne politike, izdaje

NAREDBU**O USKLADIVANJU MJESEČNIH NOVČANIH IZNOSA PRIMANJA CIVILNIH ŽRTAVA RATA OD 1. APRILLA 1993. GODINE**

1. Mjesečni novčani iznosi civilne invalidnine, dodatka za njegu i pomoć drugog lica, dodatne novčane pomoći, dodatka za člana porodice nesposobnog za rad i dodatka za samohranost, kao i imovinski cenzus povećavaju se za 47,56% u odnosu na isplatu u martu 1993. godine, i to počev od 1. aprila 1993. godine i iznose:

1) Civilna invalidnina

I grupa - 100% tjelesnog oštećenja za lica kojima je za osnovne životne potrebe potrebna njega i pomoć drugog lica

139.223 dinara

II grupa - 100 tjelesnog oštećenja

100.841 dinara

III grupa - 90% tjelesnog oštećenja

76.021 dinara

IV grupa - 80% tjelesnog oštećenja 60.942 dinara
V grupa - 70% tjelesnog oštećenja 40.186 dinara
VI grupa - 60% tjelesnog oštećenja 24.879 dinara
2) Dodatak za njegu i pomoć drugog lica 91.846 dinara
3) Dodatna novčana pomoć 32.657 dinara

4) Dodatak za člana porodice nesposobnog za rad 16.319 dinara
5) Dodatak za samohranost 16.319 dinara
6) Imovinski cenzus 24.064 dinara

2. Dodatna novčana pomoć iznosi 32.657,00 dinara ako mjesečni prihod po članu domaćinstva ne prelazi 24.064,00 dinara.

3. Ova naredba stupa na snagu narednog dana od dana objavljivanja u "Službenom listu RBiH", a tač. 1. i 2. primjenjivaće se od 1. aprila 1993. godine.

Broj 04/2-534-142/93

Zamjenik

6. juna 1993. godine

ministra za rad i socijalnu politiku,

Sarajevo

Sedika Omerbegović, s. r.

320

Na osnovu člana 12. stav 3. Uredbe sa zakonskom snagom o finansijskom poslovanju ("Službeni list RBiH", broj 2/92) i člana 118. stav 1. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), ministar finansija, donosi

NAREDBU**O IZMJENI NAREDBE O USLOVIMA I NAČINU NAPLATE, RASPOLAGANJA I PLAĆANJA GOTOVIM NOVCEM**

1. U Naredbi o uslovima i načinu naplate, raspolaganja i plaćanja gotovim novcem ("Službeni list RBiH", br. 3/92 i 23/92) u tački 4. u podtački d) broj "20.000" zamjenjuje se brojem "200.000".

2. Ova naredba stupa na snagu danom objavljivanja u "Službenom listu RBiH".

Broj 01-021-1591/93

Zamjenik

21. juna 1993. godine

ministra finansija,

Sarajevo

Muhamed Logo, s. r.

321

Na osnovu člana 50. tačka 1. Zakona o radnim odnosima ("Službeni list SRBiH", broj 20/90), Ministarstvo rada i socijalne politike, donosi

UPUTSTVO**O IZMJENAMA UPUTSTVA O RADNOJ KNJIŽICI**

1. U Uputstvu o radnoj knjižici ("Službeni list SRBiH", broj 41/90) u glavi IV tačka 14. mijenja se i glasi:

"Na dan kad počne da radi radnik predaje radnu knjižicu preduzeću, holding preduzeću, ustanovi, fondu, banci i drugoj finansijskoj organizaciji, organizaciji za osiguranje, zadrugi i drugim oblicima saradnje i zajedničkog poslovanja sa stranim licem (u daljem tekstu: preduzeće i drugo pravno lice) radnom čovjeku koji samostalno obavlja djelatnost ličnim radom, odnosno ličnim radom i sredstvima u svojini građana, odnosno građanskom pravnom i fizičkom licu, poljoprivrednom gazdinstvu, predstavništvu stranih firmi i diplomatskom i konzularnom predstavništvu u Republici Bosni i Hercegovini (u daljem tekstu: poslodavac), organu društveno političke zajednice, političkoj organizaciji, državnom organu, društvenoj organizaciji, udruženju građana i drugim organizacijama i zajednicama o čemu se radniku izdaje potvrda."

2. U glavi V u tački 23. riječi: "Službenom listu SRBiH" zamjenjuju se riječima: "Službenom listu RBiH".

3. U Obrascu broj 2. u stavu 2. riječi: "grbom SRBiH" zamjenjuju se riječima: "grbom RBiH".

Stav 4. mijenja se i glasi: "Na prednjoj strani korica radne knjižice utisnut je naziv:

REPUBLIKA
BOSNA I HERCEGOVINA

ispod toga slijedi suho utisnut

GRB RBiH

i naziv:

RADNA KNJIŽICA

U tekstu radne knjižice na strani 1. riječi: "Socijalistička Republika Bosna i Hercegovina" zamjenjuju se riječima: "Republika Bosna i Hercegovina".

4. U Uputama za upisivanje podataka u radnu knjižicu na strani 2. alineja 4. riječi: "državljanin SFRJ i republičko državljanstvo" zamjenjuju se riječima: "državljanin RBiH".

5. U tekstu Uputstva o radnoj knjižici, obrascima propisanih ovim uputstvom; Uputama za popunjavanje zahtjeva za izdavanje radne knjižice i Uputama za upisivanje podataka u radnu knjižicu, skraćenica: "organizacija" u različitim padežima zamjenjuje se skraćenicom: "preduzeće i drugo pravno lice" u odgovarajućem padežu.

6. Ovo uputstvo stupa na snagu danom objavljivanja u "Službenom listu RBiH".

Broj 04-124-27

20. maja 1993. godine
Sarajevo

Zamjenik ministra
Sedika Omerbegović
-Bajraktarević, s. r.

Narodna banka Bosne i Hercegovine

Na temelju čl. 38, 48 i 82. stavka 1. pod a)/1. Uredbe sa zakonskom snagom o Narodnoj banci Bosne i Hercegovine ("Službeni list RBiH", broj 1/93), guverner Narodne banke donosi

ODLUKU

O IZDAVANJU GARANCIJA, SUPERGARANCIJA I DRUGIH OBLIKA JAMSTVA

1. Narodna banka Bosne i Hercegovine (u daljem tekstu: Narodna banka) uzima i daje garancije, supergarancije i druge oblike jamstva za račun Republike, njenih organa i organizacija.

Garancije i supergarancije po međunarodnim ugovorima Narodna banka izdaje sukladno posebnom zakonu.

2. Garancije i supergarancije domaćim osobama, Narodna banka izdaje pod uvjetom da domaće osobe obezbijede garanciju ovlaštene banke za poslove sa inozemstvom.

3. Korisnici navedenih oblika jamstva iz točaka 1. i 2. ove odluke podnose Narodnoj banci zahtjev za sklapanje ugovora o izdavanju garancije kojim se reguliraju međusobni odnosi učesnika u jamstvu.

4. Sukladno točki 3. ove odluke Narodna banka će utvrditi osnovne elemente ugovora za izdavanje garancije.

5. Ova odluka stupa na snagu danom donošenja, a objavit će se u "Službenom listu RBiH".

G broj 15/93

15. juna 1993. godine
Sarajevo

Guverner
Narodne banke BiH,
prof. dr Stiepo Andrijić, s. r.

Na temelju članova 16. i 82. stavak 1. pod a)/8. Uredbe sa zakonskom snagom o Narodnoj banci Bosne i Hercegovine ("Službeni list RBiH", broj 1/93), guverner Narodne banke Bosne i Hercegovine donosi

ODLUKU

O IZMJENAMA I DOPUNAMA ODLUKE O KAMATNIM STOPAMA I STOPAMA NAKNADE NARODNE BANKE BOSNE I HERCEGOVINE

Član 1.

U Odluci o kamatnim stopama i stopama naknade Narodne banke Bosne i Hercegovine ("Službeni list RBiH", broj 22/92 - Prečišćeni tekst, broj 7/93 i 12/93) u točki 1. stavak 1. procenat "20%" zamjenjuje se procentom "44%".

Član 2.

U točki 2. podtočke 1, 2, 3 i 4) mijenjaju se i glase:
"1) na kredite za održavanje dnevne likvidnosti banaka u visini eskontne stope Narodne banke uvećane za 125%,
- iznimno, od propisane stope iz stavka 1. ove podtočke na kredite za održavanje dnevne likvidnosti banaka na temelju pada devizne štednje, Narodna banka naplaćuje kamatu po eskontnoj stopi,

2) na iznos kredita i drugih plasmana koji nisu vraćeni u ugovorenom roku i koji se ne koriste na temelju propisa, odnosno koji se nenamjenski koriste, kao i za manje obračunatu ili u roku ne izdvojenju obavezu rezervu, u visini eskontne stope Narodne banke uvećane za 150%,

3) na iznos sredstava korištenih iznad iznosa raspoloživog pokrića na žiro računima banaka, u visini eskontne stope Narodne banke uvećane za 150%,

- kamatu po propisanoj stopi iz stavka 1. ove podtočke Narodna banka naplaćuje bankama i na iznos pozajmica odobrenih na temelju jamstva Narodne banke za štedne uloge i tekuće račune građana u dinarima,

4) na iznos korištenih sredstava obavezne rezerve za održavanje svoje likvidnosti u visini eskontne stope Narodne banke uvećane za 125%,

- kamatu po propisanoj stopi iz stavka 1. ove podtočke Narodna banka naplaćuje bankama na iznos razlike između propisane i ostvarene minimalne likvidnosti u novčanim sredstvima i u blagajničkim zapisima na temelju propisa o načinu održavanja minimalne likvidnosti i posebne rezerve likvidnosti."

Član 3.

U točki 3. stavak 1. procenat "15%" zamjenjuje se procentom "75%", iza kojeg se dodaju riječi: "eskontne stope Narodne banke".

Član 4.

U točki 4. podtočki 1) procenat "10%" zamjenjuje se procentom "50%", iza kojeg se dodaju riječi: "eskontne stope Narodne banke",

- u točki 4. podtočki 2) procenat "12%" zamjenjuje se procentom "60%", iza kojeg se dodaju riječi: "eskontne stope Narodne banke".

Član 5.

Ova odluka stupa na snagu danom donošenja, a primjenjivat će se od 1. VII 1993. godine i objavit će se u "Službenom listu RBiH".

G broj 18/93

18. juni 1993. godine
Sarajevo

Guverner
Narodne banke BiH,
prof. dr Stiepo Andrijić, s. r.

Na temelju čl. 10 i 82. stavak 1. pod a)/1. Uredbe sa zakonskom snagom o Narodnoj banci Bosne i Hercegovine ("Službeni list RBiH", broj 1/93) i točke XII Odluke o ciljevima i zadacima monetarno-kreditne politike u 1993. godini ("Službeni list RBiH", 13/93), guverner Narodne banke Bosne i Hercegovine donosi

ODLUKU

O KRITERIJIMA NA TEMELJU KOJIH SE STAVLJAJU U MORATORIJ KREDITI IZ PRIMARNE EMISIJE I IZ SREDSTAVA DEPOZITA DRUŠTVENO-POLITIČKIH ZAJEDNICA KOJI SE KORISTE KOD NARODNE BANKE BOSNE I HERCEGOVINE

1. Ovom odlukom propisuju se kriteriji na temelju kojih se stavljaju u moratorij krediti iz primarne emisije i iz sredstava depozita društveno-političkih zajednica koji se koriste kod Narodne banke Bosne i Hercegovine (u daljem tekstu: Narodna banka).

Zbog iznimnih okolnosti, odlaže se rok plaćanja dijela kredita iz primarne emisije korištenih na dan 30. IV 1992. godine i kredita iz sredstava depozita društveno-političkih zajednica koje su banke koristile kod Narodne banke u 1992. godini, sukladno odredbama točke 6. ove odluke.

Kredit iz stavka 1 i 2. ove točke korišteni su u 1991. i 1992. godini na temelju:

- Zakona o odlaganju vraćanja dijela kredita iz primarne emisije ("Službeni list SFRJ", broj 33/89),

- Odluke o uslovima i načinu davanja kratkoročnih kredita bankama na osnovu portfelja određenih kratkoročnih vrijednosnih papira ("Službeni list SFRJ", br. 8/91, 9/91, 15/91 i 23/91),

- Odluke o utvrđivanju kvota za davanje kratkoročnih kredita bankama za kreditiranje proizvodnje ratarskih kultura roda 1991. godine ("Službeni list SFRJ", br. 22/91 i 48/91),

- Odluke o uslovima i načinu davanja kratkoročnih kredita bankama na osnovu određenih isprava o kratkoročnim kreditima koje su banke dale krajnjim korisnicima za određene namjene ("Službeni list SFRJ", broj 22/91),

- Odluke o utvrđivanju namjenskih reeskontnih kvota i uslova za refinansiranje kredita banaka datih za finansiranje ulaganja u proizvodnju pšenice roda 1992. godine ("Službeni list SFRJ", br. 69/91, 73/91, 81/91, 91/91, 14/92 i 18/92),

- Odluke o utvrđivanju uslova za refinansiranje kredita koje su banke dale krajnjim korisnicima za finansiranje sezonskih zaliha i rezervi pšenice domaće proizvodnje roda 1991. godine ("Službeni list SFRJ", br. 51/91, 58/91, 62/91, 69/91 i 72/91),

- Odluke o utvrđivanju namjenskih reeskontnih kvota i uslova za refinansiranje kredita banaka datih za finansiranje sezonskih zaliha i rezervi poljoprivrednih proizvoda jesenje berbe roda 1991. godine ("Službeni list SFRJ", br. 69/91, 73/91, 81/91 i 91/91),

- Odluke o utvrđivanju kvota za davanje reeskontnih i lombardnih kredita bankama u IV tromjesečju 1991. godine ("Službeni list SFRJ", br. 69/91, 73/91, 75/91, 91/91, 93/91, 14/92 i 18/92),

- Odluke o utvrđivanju okvira i uslova za davanje kratkoročnih kredita bankama za kreditiranje pripreme turističkih usluga inostranim turistima u I tromjesečju 1992. godine ("Službeni list SFRJ", broj 14/92),

- Odluke o utvrđivanju okvira i uslova za davanje kratkoročnih kredita bankama za kreditiranje proizvodnje ratarskih kultura roda 1992. godine u I tromjesečju 1992. godine ("Službeni list SFRJ", br. 14/92 i 18/92),

- Odluke o utvrđivanju okvira i uslova za davanje kratkoročnih kredita bankama za kreditiranje stočarske proizvodnje u 1992. godini ("Službeni list SFRJ", broj 18/92),

- Odluke o načinu i uslovima aktiviranja jamstva Narodne banke Jugoslavije po štednim ulozima po tekućim računima građana u dinarima ("Službeni list SFRJ", br. 57/90, 59/90, 63/90, 30/91 i 74/91),

- kreditiranja banaka i Republike Bosne i Hercegovine Ministarstva finansija iz sredstava depozita društveno-političkih zajednica na temelju Zaključaka Vijeća građana Skupštine Socijalističke Republike Bosne i Hercegovine kojim je omogućeno Narodnoj banci da raspoloživa novčana sredstva depozita društveno-političkih zajednica odobrava bankama prema uvjetima iz Odluke Skupštine Socijalističke Republike Bosne i Hercegovine o kreditnoj politici u 1990. godini ("Službeni list SR BiH", broj 2/90) za reeskontne kredite na temelju vrijednosnih papira, poslove izvoza, uključujući i proizvodnju i pripremanje robe i usluga za izvoz, za namjene u oblasti poljoprivrede i to za proizvodnju ratarskih kultura, sezonskih zaliha i rezervi poljoprivrednih proizvoda, za stočarsku proizvodnju, te sezonske zalihe uglja, za dio kredita za likvidnost datih po osnovu jamstva Narodne banke Jugoslavije, kredita datih za društveno-organiziranu proizvodnju kukuruza, šećerne repe, uljarica i duhana čiji su prinosi umanjeni u odnosu na planirani obim proizvodnje zbog šteta prouzrokovanih dugotrajnom sušom u 1988. godini i za kredite iz sredstava depozita društveno-političkih zajednica za sve namjene.

Kredit korišteni kod Narodne banke na koje se stavlja moratorij prema vrstama, i računi iz Kontnog plana za banke čine sastavni dio ove odluke (Prilog 1).

Banke će kratkoročne kredite odložiti krajnjim korisnicima za namjene iz stavka 1. ove točke prema kriterijima iz ove odluke.

2. Prava na moratorij kredita iz točke 1. ove odluke imaju banke koje su podnijele zahtjeve Narodnoj banci za obnavljanje postupka za izdavanje dozvola za osnivanje banaka temeljem Odluke o obnavljanju postupka za izdavanje dozvola za osnivanje banaka u Republici Bosni i Hercegovini i izdavanju novih dozvola od Narodne banke Bosne i Hercegovine i Republika Bosna i Hercegovina Ministarstvo finansija za kredite iz sredstava depozita društveno-političkih zajednica.

3. Temelj za moratorij kredita iz dijela primarne emisije predstavlja knjigovodstveno stanje kredita kod Narodne banke na dan 30. IV 1992. godine i knjigovodstveno stanje datih kredita banaka krajnjim korisnicima za namjene iz točke 1. ove odluke na dan 30. IV 1992. godine.

Temelj za moratorij kredita iz sredstava depozita društveno-političkih zajednica predstavlja knjigovodstveno stanje kod Narodne banke na dan 30. VII 1992. godine.

Banke koje na taj dan nisu koristile pravo na reeskontne kvote Narodne banke Jugoslavije kod Narodne banke mogu izvršiti moratorij kredita krajnjim korisnicima za namjene iz točke 1. ove odluke i koristiti sredstva primarne emisije, s tim da visina sredstava primarne emisije koja se stavlja u moratorij ne može biti veća od prava na korištenje reeskontnih kvota tih banaka kod Narodne banke na dan 30. IV 1992. godine.

4. Odlaganje plaćanja kredita iz točke 1. ove odluke vrši se u cjelokupnom iznosu reeskontnih kredita kod Narodne banke, s tim da su banke u obvezi da izvrše moratorij u cjelokupnom iznosu odobrenog kredita krajnjem korisniku.

Ukoliko banka ne odloži kredite iz točke 1. ove odluke dužna je iste vratiti Narodnoj banci.

5. Odlaganje plaćanja kredita iz primarne emisije vrši se na temelju zahtjeva svake banke koja ujedno prilaže pregled odloženih kredita krajnjim korisnicima prema namjenama kredita i korisnicima, a na posebnim pregledima koji čine sastavni dio ove odluke (Prilog 2M).

6. Narodna banka odložiti će kredite bankama i Republici Bosni i Hercegovini Ministarstvu finansija iz točke 1. ove odluke, do 31. XII 1994. godine.

7. Na odložene kredite iz ove odluke banke će plaćati kamatu u visini eskontne stope Narodne banke.

Kamata iz stavka 1. ove točke teče od dana odlaganja kredita, a obračunava se i plaća u rokovima i na način propisan Odlukom o kamatnim stopama i stopama naknade Narodne banke Bosne i Hercegovine.

8. Rok za podnošenje zahtjeva banaka za stavljanje u moratorij kredita iz točke 1. ove odluke je 30 dana od dana objavljivanja ove odluke u "Službenom listu RBiH", a rok u kome Narodna banka odlaže kredite je 60 dana od dana objavljivanja ove odluke u "Službenom listu RBiH".

Zbog specifičnih uvjeta guverner Narodne banke može na zahtjev banke sa pisanim obrazloženjem produžiti navedeni rok za podnošenje zahtjeva.

9. Odloženi iznos kredita Narodna banka će knjižiti na račune, kako slijedi:

- I - Kredite iz primarne emisije
 - na kontu 81000-56590
 - ostali dugoročni krediti iz primarne emisije u moratorijumu - iskorišteni do 30. IV 1992. godine,
 - na kontu 81000-56591
 - ostali dugoročni krediti iz primarne emisije u moratorijumu - iskorišteni po osnovu neiskorištenih prava na reeskontne kvote,

- II - Kredite iz sredstava depozita društveno-političkih zajednica

- na kontu 81000-51517
- dugoročni krediti dati bankama iz sredstava depozita društveno-političkih zajednica u moratorijumu - iskorišteni do 31. VII 1992. godine,

uz istodobno smanjenje stanja odgovarajućih računa iz točke 1. ove odluke, odnosno doznake na žiro račun bankama iz točke 3. stavka 2. ove odluke.

10. Narodna banka će sa bankama zaključiti ugovore o stavljanju kredita u moratorij u kojima će se precizirati svi uvjeti iz ove odluke.

11. Pravo na moratorij kredita iz točke 1. ove odluke nemaju poduzeća koja se nalaze na okupiranoj teritoriji Republike Bosne i Hercegovine i ona koja u ratnim uvjetima nisu nastavila sa radom.

12. Banke će kratkoročne kredite iz točke 1. ove odluke odložiti na temelju zahtjeva krajnjih korisnika kredita. Banke utvrđuju za svakog korisnika kredita iznos kratkoročnog kredita, prema namjenama koji se u smislu ove odluke odlaže.

Krajnji korisnici kredita podnose bankama zahtjev iz stavka 1. ove točke u roku od 20 dana od dana objavljivanja ove odluke u "Službenom listu RBiH".

13. Banka će sa krajnjim korisnicima kredita zaključiti ugovor o stavljanju kredita u moratorij na rok iz točke 6. ove odluke.

Na temelju zaključnog ugovora iz stavka 1. ove točke banka će kredite knjigovodstveno prenijeti sa računa kratkoročnih kredita na račune odloženih kredita.

14. Krajnji korisnici kredita plaćaju bankama kamatu na odložene kredite iz točke 4. ove odluke u visini eskontne stope Narodne banke uvećane za 0,03 procentna poena na mjesečnom nivou.

Kamata na odložene kredite iz stavka 1. ove točke obračunavat će se od dana odlaganja kredita do konačne otplate.

Kamata iz stavka 1. ove točke plaćat će se u ugovorenim rokovima na temelju propisa Narodne banke.

15. Ova odluka stupa na snagu danom objavljivanja u "Službenom listu RBiH".

G broj 19/93
20. juni 1993. godine
Sarajevo

Guverner
Narodne banke BiH,
prof. dr Stjepo Andrijić, s. r.

Prilog: 1.

VRSTA KREDITA KORIŠTENIH KOD NARODNE BANKE BiH NA KOJE SE STAVLJA MORATORIJ

Namjena -	Broj računa
- vrsta kredita	iz Kontnog plana za banke
- reeskontni krediti na temelju vrijednosnih papira	4657,

Namjena -	Broj računa
- vrsta kredita	iz Kontnog plana za banke
- reeskontni krediti za poslove izvoza	4620, 4621, 4622, 4623, 4624, 4626, 4627, 4628, 4629, 5621
- za proizvodnju ratarskih kultura	4630, 4631, 4632, 4633, 4634 i 4635
- za sezonske zalihe i rezerve poljoprivrednih proizvoda	4640, 4641, 4642, 4643, 4644, 4645, 4646, 4647, 4648, 4649, 4678
- za stočarsku proizvodnju	4625, 4636, 4637, 4638 i 4639
- za sezonske zalihe uglja	4677
- pozajmica na temelju jemstva Narodne banke Jugoslavije za dinarsku štednju	4676
- krediti odobreni za određene namjene u poljoprivredi čiji su doprinosi umanjeni dugotrajnom sušom u 1988. godini	5650
- krediti za selektivne namjene iz sredstava depozita društveno-političkih zajednica	41512, 41513, 41514, 41515, 41516, 41517, 41519, 4151E, 4151J
- krediti za premoštavanje određenih vanrednih potreba u Republici	51513
- krediti odobreni za finansijsku konsolidaciju privrede	41516
- kratkoročna pozajmica Budžeta Republike Bosne i Hercegovine	4151K
UKUPNO:	

P R E G L E D KORIŠTENIH KREDITA KOD NARODNE BANKE BOSN I HERCEGOVINE KOJI SE STAVLJAJU U MORATORIJ

Prilog 2
OBRAZAC M.

(Naziv i mjesto banke)	Broj korisnika	Knj. stanje banke na dan 30. 4. 92. ili 31. 7. 92.	Stanje kredita iz PE Narodne banke BiH na dan 30. 4. 92.	Stanje kredita iz DPZ-a kod Narodne banke BiH na dan 30. 4. 92. ili 31. 7. 92.	Vlast. učešće banke u kreditu datom krajnjem korisniku	Iznos kredita koji se stavljaju u moratorij	Iznos kredita koji se vraća Narodnoj banci BiH
1	2	3	4	5	6	7 (4+5+6)	8 PE 9 (DPZ)
1. Krediti na osnovu vrijednosnih papira							
a) Korisnik kredita	-	-	-	-	-	-	-
2. Reeskontni krediti za poslove izvoza							
a) Korisnik kredita	-	-	-	-	-	-	-
3. itd	-	-	-	-	-	-	-
UKUPNO:							

REKAPITULACIJA PO NAMJENAMA

1. Krediti na osnovu vrijednosnih papira
2. Reeskontni krediti za poslove izvoza
UKUPNO:

Na temelju čl. 10, 11, 12. i 82. stavak 1. pod a)/1, 4. i 5. Uredbe sa zakonskom snagom o Narodnoj banci Bosne i Hercegovine ("Službeni list RBiH", broj 1/93), guverner Narodne banke Bosne i Hercegovine, donosi

ODLUKU

O OBAVEZNOJ REZERVU BANAKA KOD NARODNE BANKE BOSNE I HERCEGOVINE

1. Banke su dužne da obračunavaju i izdvajaju obaveznu rezervu kod Narodne banke Bosne i Hercegovine (u daljem tekstu: Narodna banka) u visini, na način i u rokovima koji su utvrđeni ovom odlukom.

2. Banke obračunavaju obaveznu rezervu, kako slijedi:

- po stopi od 15% na depozite po videnju i depozite oročene do tri mjeseca, na sredstva pribavljena izdavanjem vrijednosnih papira sa rokom dospijeća do tri mjeseca i na kredite dobijene od pravnih lica i građana sa rokom dospijeća do tri mjeseca,

- po stopi od 5% na depozite oročene na tri i više mjeseci, na sredstva pribavljena izdavanjem vrijednosnih papira sa rokom dospijeća od tri i više mjeseci i na kredite dobijene od pravnih lica i građana sa rokom dospijeća od tri i više mjeseci.

Sukladno kretanju likvidnosti banaka i njihovoj kreditnoj aktivnosti, Narodna banka će po potrebi korigirati stopu obavezne rezerve za određeni period.

3. Banke neće obračunavati i izdvajati obaveznu rezervu:

- na kredite dobijene od Narodne banke,
- na sredstva namijenjena obrambenim potrebama zemlje koja se vode na posebnim računima kod banaka,

- na depozite iz namjenski prikupljenih sredstava u vidu humanitarne pomoći, donatorstva kao i sredstva koja su primljena na posebne račune banaka sa namjenom otklanjanja posljedica ratom razorene zemlje,

- na depozite solidarnosti namijenjene humanitarnim organizacijama,

- na depozite prikupljene za smještaj i povratak izbjeglica i raseljenih lica,

- na depozite prikupljene za osposobljavanje i uključivanje invalida rata u proces rada,

- na depozite i druga sredstva namijenjena za obnovu i izgradnju stanova,

- na devizne depozite kao i dinarske depozite stranih osoba.

Banke koje su do stupanja na snagu ove odluke imale depozite koji su bili oslobođeni obračunavanja i izdvajanja obavezne rezerve zadržavaju pravo da i dalje ne obračunavaju i ne izdvajaju obaveznu rezervu na te depozite do njihovog konačnog reguliranja (točka 3. Odluke o obaveznoj rezervi banaka kod Narodne banke Jugoslavije).

4. Obaveznu rezervu, obračunatu sukladno ovoj odluci, banke izdvajaju kod Narodne banke prenošenjem sredstava na poseban račun izdvojene obavezne rezerve banaka, koji se vodi kod Službe društvenog knjigovodstva.

5. Obaveznu rezervu iz ove odluke banke obračunavaju i izdvajaju mjesečno. Obračun obavezne rezerve banke sastavljaju do 24-tog u mjesecu računajući prosječno stanje sredstava na osnovu dekadnih knjigovodstvenih stanja tog mjeseca.

6. Obračun obavezne rezerve iz točke 5. ove odluke banke sastavljaju na obrascu koji propisuje Narodna banka do roka iz točke 5. ove odluke i dostavljaju ga Službi društvenog knjigovodstva kod koje se vodi račun banke.

Uz obračun obavezne rezerve banke podnose odgovarajući nalog za uplatu, odnosno za vraćanje razlike između iznosa obavezne rezerve po podnesenom obračunu iz stanja obavezne rezerve na posebnom računu kod Službe društvenog knjigovodstva. Istodobno sa dostavljanjem obračuna Službi društvenog knjigovodstva jedan primjerak obračuna obavezne rezerve, banke dostavljaju Narodnoj banci.

7. Banke mogu izvršiti akontativno plaćanje obavezne rezerve ukoliko nisu iz objektivnih razloga u mogućnosti sačiniti propisani obračun obavezne rezerve iz točke 5. ove odluke s tim da visina akontacije ne prelazi iznos obaveze za izdvajanje iz prethodnog mjeseca.

8. Od dana stupanja na snagu ove odluke banke su dužne dostaviti Službi društvenog knjigovodstva i Narodnoj banci

Obračun obavezne rezerve prema stanju sredstava 25-tog u mjesecu za prethodni mjesec.

9. Banke mogu izdvojena sredstva obavezne rezerve koristiti sukladno točki 4. Odluke o minimalnim opštim uslovima kreditne sposobnosti banaka i drugih finansijskih organizacija za vrijeme ratnog stanja, zašto su dužne sastaviti izvještaj o korištenju obavezne rezerve i dostaviti ga Narodnoj banci do 5-tog u mjesecu.

10. Banke su na korištena sredstva obavezne rezerve dužne da plate kamatu Narodnoj banci sukladno točki 2. podtočki 4) stavku 1. Odluke o kamatnim stopama i stopama naknade Narodne banke Bosne i Hercegovine.

11. Banke koje nepravilno obračunavaju obaveznu rezervu i koje u roku ne izdvajaju obaveznu rezervu, dužne su da na iznos manje obračunate i neblagovremeno izdvojene obavezne rezerve, plate Narodnoj banci kamatu sukladno točki 2. podtočki 2) Odluke o kamatnim stopama i stopama naknade Narodne banke Bosne i Hercegovine, zašto su dužne sastaviti obračun i zajedno sa nalogom o plaćenju naknadi dostaviti ga do 11-tog u mjesecu Narodnoj banci.

12. Danom stupanja na snagu ove odluke prestaju da važe Odluka o obaveznoj rezervi banaka kod Narodne banke Jugoslavije ("Službeni list SFRJ", br. 5 i 23/92) i Odluka o korištenju sredstava obavezne rezerve ("Službeni list RBiH", broj 4/92).

13. Ova odluka stupa na snagu danom donošenja, a objavit će se u "Službenom listu RBiH".

G broj 20/93

23. juni 1993. godine
Sarajevo

Guverner
Narodne banke BiH,
prof. dr Stjepo Andrijić, s. r.

Na temelju čl. 52. i 82. stavak 1. pod a)/18. Uredbe sa zakonskom snagom o Narodnoj banci Bosne i Hercegovine ("Službeni list RBiH", broj 1/93), guverner Narodne banke Bosne i Hercegovine, donosi

ODLUKU

O NAČINU OBAVLJANJA KONTROLE I IZRICANJU MJERA BANKAMA I DRUGIM FINANCIJSKIM ORGANIZACIJAMA

1. Ovom odlukom se propisuje način obavljanja kontrole provođenja mjera monetarno-kreditne i devizne politike, propisa kojima su regulirani devizno poslovanje i kreditni odnosi sa inozemstvom, promet robe i usluga sa inozemstvom i obavljanje privrednih djelatnosti u inozemstvu (u daljem tekstu: propisi) banaka i drugih finansijskih organizacija (u daljem tekstu: banka), kao i vrste, rokovi, redoslijed i postupak poduzimanja mjera prema bankama koje ne provode te propise.

2. Kontrolu iz točke 1. ove odluke obavlja narodna banka Bosne i Hercegovine (u daljem tekstu: Narodna banka).

3. Kontrolu iz točke 1. ove odluke Narodna banka obavlja:

- a) neposrednim pregledom poslovnih knjiga i druge dokumentacije u banci,
- b) pregledom izvještaja i druge dokumentacije koju dobije od banke i kojom raspolaze, a koja se odnosi na poslovanje banke.

Pri obavljanju kontrole iz stavka 1. ove točke, Narodna banka može da pregleda:

- poslovne knjige i drugu dokumentaciju kod poduzeća i drugih osoba,

- odgovarajuću dokumentaciju kod poduzeća i drugih domaćih osoba - učesnika u vanjskotrgovinskom i deviznom poslovanju i kreditnim odnosima sa inozemstvom.

4. Ako se kontrolom iz točke 3. stavka 1. pod b) ove odluke utvrdi da se banka nije pridržavala propisa, Narodna banka će odmah, a najkasnije u roku od tri radna dana od dana utvrđivanja nepravilnosti, sastaviti zapisnik o obavljenju kontroli i dostaviti ga banci.

Banka može da stavi primjedbe na nalaze iz zapisnika u roku od tri radna dana od dana prijema zapisnika iz stavka 1. ove točke.

5. Kontrolu provođenja propisa koja se obavlja neposrednim pregledom poslovnih knjiga i druge dokumentacije u banci, sukladno točki 3. stavku 1. pod a) Narodna banka obavlja prema utvrđenom programu, odnosno po potrebi.

Narodna banka će odmah, a najkasnije u roku od deset radnih dana od dana obavljenog kontrole iz stavka 1. ove točke sastaviti zapisnik o obavljenoj kontroli i dostaviti ga banci.

Banka može da stavi primjedbe na nalaze iz zapisnika u roku od sedam radnih dana od dana prijema zapisnika iz stavka 2. ove točke.

Prilikom obavljanja kontrole iz točke 3. stavka 1. pod a) ove odluke Narodna banka će obaviti kontrolu točnosti izvještaja i druge dokumentacije iz točke 3. stavka 1. pod b) ove odluke.

6. Ako je prilikom obavljanja kontrole pregledana i dokumentacija kod poduzeća i drugih domaćih osoba iz točke 3. stavka 2. ove odluke, u zapisnik o obavljenoj kontroli banke unose se i nalazi utvrđeni tim pregledom.

7. Ako je u propisanom roku banka utemeljeno osporila konstatacije iz zapisnika o kršenju propisa i o tome dostavila odgovarajuće dokaze, Narodna banka neće poduzimati mjere prema toj banci i odmah po prijemu dokaza će donijeti rješenje o obustavi postupka kontrole te banke sa razlozima obustave postupka kontrole.

8. Ako banka, u propisanom roku, nije dostavila primjedbe na konstatacije iz zapisnika ili datim primjedbama nije utemeljeno osporila te konstatacije, Narodna banka će u roku od tri radna dana od dana prijema primjedaba odnosno po proteku roka za njihovo dostavljanje donijeti rješenje kojim će banci odrediti rok za uskladjivanje poslovanja sa propisima i izreći mjeru obustavljanja kupovine vrijednosnih papira iz člana 14, kreditiranja iz članova 15 i 24. Uredbe sa zakonskom snagom o Narodnoj banci Bosne i Hercegovine i mjeru ograničenja rasta obima plasmana. Izrečene mjere se primjenjuju trideset dana od dana prijema rješenja.

Osim izrečenih mjera iz stavka 1. ove točke, Narodna banka predlaže nadležnom organu banke da se rukovodni radnik, koji je prema općim aktima banke odgovoran za utvrđene nepravilnosti suspenduje do okončanja postupka utvrđivanja njegove odgovornosti.

Ako je banka, prije kontrole otklonila nepravilnosti utvrđene kontrolom, Narodna banka rješenjem izriče banci mjeru obustavljanja kupovine vrijednosnih papira iz člana 14. i kreditiranja iz čl. 15. i 24. Uredbe sa zakonskom snagom o Narodnoj banci Bosne i Hercegovine, u trajanju deset dana od dana prijema rješenja o izrečenoj mjeri.

Od dana sastavljanja zapisnika, odnosno konstatiranja nepravilnosti na temelju izvještaja koje je Narodna banka dobila od banke do prijema rješenja iz stavka 1. ove točke, Narodna banka će donijeti rješenje o odbijanju zahtjeva banke za kupovinu prenosivih vrijednosnih papira i odobravanje kredita.

9. Ako su banci izrečene mjere iz točke 8. i zbog neizmirenih dospjelih obveza prema Narodnoj banci, Narodna banka će istodobno sa donošenjem rješenja iz točke 8. ove odluke, donijeti rješenje o nelikvidnosti banke, kojim će banci zabraniti da odobrava kredite i vrši druge plasmane, daje garancije i druge oblike jamstva i obavlja plaćanja sa svog žiro računa, osim plaćanja na temelju štednih uloga i tekućih računa u dinarima i deviznih štednih uloga i deviznih računa građana od dana donošenja tog rješenja.

Rješenje iz stavka 1. ove točke Narodna banka će odmah dostaviti banci i Službi društvenog knjigovodstva Bosne i Hercegovine.

Kada na temelju raspoloživih podataka, Narodna banka utvrdi da je banka izmirila dospjele obveze prema Narodnoj banci, donijet će rješenje o prestanku nelikvidnosti banke i obustavi primjene mjera iz stavka 1. ove točke.

Rješenje iz stavka 3. ove točke Narodna banka će odmah dostaviti banci i Službi društvenog knjigovodstva Bosne i Hercegovine.

10. Ako banka u propisanom roku iz točke 8. stavka 1. ove odluke ne uskladi poslovanje sa propisima, odnosno o tome ne dostavi dokaze Narodnoj banci, Narodna banka će u roku od tri radna dana od dana protoka propisanog roka donijeti rješenje kojim će osim mjera iz točke 8. ove odluke, izreći mjeru

obustave plaćanja u inozemstvu, osim plaćanja po dospjelim inozemnim kreditima i konvencijskim obvezama i mjeru ograničenja zaduženja u inozemstvu.

Mjere iz stavka 1. ove točke primjenjuju se u trajanju od trideset do šezdeset dana od dana prijema rješenja.

Ako banka nije ovlaštena za poslove platnog prometa sa inozemstvom, odnosno kreditne poslove sa inozemstvom, Narodna banka će rješenje iz stavka 1. ove točke dostaviti i banci preko koje banka kojoj su izrečene mjere iz stavka 1. ove točke vrši ove poslove.

Osim mjera iz stavka 1. ove točke, Narodna banka predlaže nadležnom organu banke da se rukovodni radnik, koji je odgovoran za nepravilnosti iz stavka 1. ove točke smjeni sa dužnosti.

11. Mjere obustavljanja kreditiranja i kupovine vrijednosnih papira kod Narodne banke podrazumijeva da Narodna banka ne prihvata nove zahtjeve banke za korištenje sredstava primarne emisije, a da ranije korištena sredstva banka vraća po ranije utvrđenim rokovima dospjeća.

Mjera ograničenja obima plasmana podrazumijeva da banka ne može povećavati plasmane iznad stanja na dan prijema rješenja kojim je mjera izrečena. Ukoliko je to stanje iznad dozvoljenog obima, rješenjem će se banci naložiti njegovo smanjenje na dozvoljeni obim. Rješenjem o izricanju mjere ograničenja obima plasmana, Narodna banka će obvezati banku da Narodnoj banci dostavi poseban izvještaj o stanju plasmana na dan prijema rješenja.

Mjera obustave plaćanja, izuzev plaćanja po dospjelim inozemnim kreditima i konvencijskim obvezama, podrazumijeva da banka ne može vršiti tekuća plaćanja u inozemstvu niti otvarati nove akreditive.

Mjera iz stavka 3. ove točke ne podrazumijeva plaćanje banke prema inozemstvu devizama koje su kupljene na Međubankarskom sastanku deviznog tržišta koji je održan prije prijema rješenja o izricanju mjere, kao ni plaćanja banke prema inozemstvu na temelju likvidacije ranije otvorenih akreditiva.

Mjera ograničenja zaduženja u inozemstvu podrazumijeva da banka ne može uzimati nove kredite ni kreditne linije od inozemnih banaka niti izdavati nove garancije i druge oblike jamstva prema inozemstvu.

12. Ako banka ne postupa sukladno propisima kojima se uređuje rad deviznog tržišta, Narodna banka će toj banci izreći mjeru obustave plaćanja u inozemstvu, osim plaćanja po dospjelim inozemnim kreditima i konvencijskim obvezama u trajanju od deset do šezdeset dana od dana prijema rješenja, ovisno o vrsti nepravilnosti utvrđene kontrolom i potrebnog roka za njeno otklanjanje.

13. Ako se izrečenim mjerama prema banci u rokovima utvrđenim točkama 10. i 12. ove odluke ne obezbijedi zakonito poslovanje, Narodna banka će sukladno Uredbi sa zakonskom snagom o Narodnoj banci Bosne i Hercegovine pristupiti naplati svih svojih potraživanja od te banke. Osim toga, Narodna banka će toj banci oduzeti ovlaštenje za vršenje poslova platnog prometa i kreditnih poslova sa inozemstvom, kao i ovlaštenja za vršenje devizno-valutnih poslova u zemlji.

U rješenju koje Narodna banka donosi sukladno odredbama stavka 1. ove točke navest će se da je banka dužna u roku od šezdeset dana od dana prijema rješenja izmiriti sva dugovanja prema Narodnoj banci, bez obzira na temelj po kom su nastala, da se banci oduzimaju ovlaštenja iz stavka 1. ove točke i da je dužna likvidirati svoje poslove temeljem tih ovlaštenja, kao i da je dužna ukinuti svoje račune u inozemstvu.

14. Kontrolu primjene propisa sukladno točki 3. ove odluke, kontinuirano obavlja Narodna banka i poduzima odgovarajuće mjere prema bankama.

15. Danom stupanja na snagu ove odluke prestaje da važi Odluka o načinu obavljanja kontrole i mjerama prema bankama i drugim finansijskim organizacijama ("Službeni list SFRJ", br. 36/91 i 58/91).

6. Ova odluka stupa na snagu danom donošenja, a objavit će se u "Službenom listu RBiH".

G broj 21/93
28. juni 1993. godine
Sarajevo

Guverner
Narodne banke BiH,
prof. dr Stjepo Andrijić, s. r.

Na temelju čl. 59. i 82. stavak 1. pod a)/18. Uredbe sa zakonskom snagom o Narodnoj banci Bosne i Hercegovine ("Službeni list RBiH", broj 1/93), guverner Narodne banke Bosne i Hercegovine, donosi

ODLUKU

O NAČINU OBAVLJANJA KONTROLE KVALITETA I SIGURNOSTI POSLOVANJA BANAKA I DRUGIH FINANCIJSKIH ORGANIZACIJA I POSTUPKU PODUZIMANJA MJERA ZA OTKLANJANJE UTVRĐENIH NEPRAVILNOSTI

1. Ovom odlukom propisuje se način obavljanja kontrole kvalitete i sigurnosti poslovanja banaka i drugih finansijskih organizacija (u daljem tekstu: banka) i postupak pri poduzimanju preventivnih i blagovremenih mjera za otklanjanje nepravilnosti i slabosti, utvrđenih ovom kontrolom, koje imaju za cilj da obezbijede stabilan, solventan, likvidan i profitabilan bankarski sustav zemlje.

Pod nepravilnostima i slabostima, u smislu ove odluke, podrazumijevaju se nezakonitosti, kao i stanja i aktivnosti banke koje predstavljaju nesolidno, nestabilno i suviše rizično poslovanje bez obzira da li se njima povrijeđuju propisi.

2. Kontrolom iz točke 1. stavak 1. ove odluke Narodna banka Bosne i Hercegovine (u daljem tekstu: Narodna banka), pomoću kvalitativnih i kvantitativnih tehnika posebno utvrđuje:

- 1) Kapital: snagu i adekvatnost kapitala banke,
- 2) Upravljanje i rukovođenje: način, kvalitet, adekvatnost upravljanja i rukovođenje bankom,
- 3) Profitabilnost: stabilnost poslovanja i mogućnost ostvarivanja dobiti banke,
- 4) Osnivanje i poslovanje: održavanje minimalnih uvjeta za osnivanje i poslovanje banke,
- 5) Likvidnost: način obezbjeđivanja i stupanj održavanja likvidnosti u poslovanju banke,
- 6) Aktiva: nivo rizičnosti i stupanj naplativosti aktive i odgovarajućih vanbilansnih stavki,
- 7) Adekvatnost zaštite od kamatnih, deviznih, vanbilansnih i drugih rizika banke,
- 8) Adekvatnost interne metodologije praćenja i ocjene kvalitete i sigurnosti poslovanja banke.

3. Narodna banka obavlja kontrolu iz točke 1. stavak 1. ove odluke na slijedeći način:

- 1) praćenjem i pregledom izvještaja, informacija i podataka koje banka dostavlja Narodnoj banci:
 - polugodišnjih i godišnjih obračuna temeljem Zakona o računovodstvu (Period: tri prethodne godine),
 - tromjesečnih i godišnjih izvještaja temeljem Zakona o računovodstvu (Period: prethodna cijela kalendarska i tekuća godina),

- izvještaja ovlaštenog revizora o izvršenoj ekonomsko-finanasijskoj reviziji godišnjeg obračuna (Period: prethodni obvezni),

- bilansa, izvještaja o stanju na knjigovodstvenim računima i izvještaja o pokazateljima poslovanja ostvarenim temeljem Zakona o bankama i drugim finansijskim organizacijama (Period: tekuća godina),

- dnevnih i drugih podataka o stanju likvidnosti i solventnosti (Period: tekuća godina),

- drugih podataka i izvještaja koje je banka dužna da dostavlja Narodnoj banci;

2) neposrednim pregledom poslovnih knjiga, knjigovodstvene i druge dokumentacije u banci;

3) rangiranjem pokazatelja poslovanja banaka komparacijom sa minimalnim, prosječnim domaćim i poznatim inozemnim standardima.

4. Narodna banka će obezbijediti da se kontrola iz točke 3. ove odluke obavlja kontinuirano i da se na temelju praćenja svih relevantnih podataka periodično analizira poslovanje svih banke koja posluje na teritoriji Republike Bosne i Hercegovine.

5. O nepravilnostima i slabostima utvrđenim kontrolom iz točke 3. ove odluke Narodna banka sastavlja zapisnik koji dostavlja banci.

Uz zapisnik iz stavka 1. ove točke Narodna banka dostavlja i prijedlog banci o provođenju aktivnosti za otklanjanje utvrđenih nepravilnosti i slabosti u poslovanju, i to da:

1) poveća iznos osnivačkog fonda, sredstava rezervi i posebne rezerve za obezbjeđenje od potencijalnih gubitaka,

2) ukinе određene filijale, poslovne jedinice, ekspoziture, predstavništva, odnosno reducira operativne troškove poslovanja i organizacionu strukturu,

3) privremeno obustavi davanje kredita i drugih plasmana određenim osnivačima, ilicima povezanim sa osnivačima i bankom (porodične, poslovne i druge veze) i komitentima,

4) smanji prekomjerno (nerazumno) velike kredite određenim dužnicima,

5) obustavi kredite koji su iznad nivoa propisanih najvećih mogućih kredita,

6) obustavi davanje kredita i drugih plasmana u određenom periodu,

7) poveća određene ispravke vrijednosti i otpiše potraživanja za čiji su se opis stekli zakonski uvjeti,

8) obustavi obračun i pripis kamata na aktivu i odgovarajućih vanbilansnih stavki banaka i drugih finansijskih organizacija sa stanovišta njihove naplativosti klasifikovane u kategorije D i E,

9) novčanoj kazni,

10) smijeni određene rukovodne i druge radnike,

11) uskladi ročnu strukturu izvora sredstava i plasmana,

12) poduzme sve raspoložive mjere za naplatu dospjelih nenaplaćenih potraživanja,

13) prestaje da se zadužuje u zemlji i inozemstvu,

14) poduzme mjere za organizaciono osposobljavanje radi uspostavljanja kvalitetnijeg rukovođenja i poslovanja (promjene u rukovodnom i informacionom sistemu, unutarnjoj kontroli, metodologiji prikupljanja sredstava i odobravanja kredita i drugih plasmana i sl.),

15) ograniči pravo upravljanja određenim osnivačima (posebno neto dužnicima),

16) ograniči raspodjelu dividendi,

17) smanji devizni rizik do prihvatljivog nivoa,

18) otkloni i druge nepravilnosti i slabosti poduzimanjem odnosno obustavljanjem određenih aktivnosti.

Prijedlog iz stavka 2. ovog člana sadrži i rok za provođenje aktivnosti.

Ako je rok za otklanjanje nepravilnosti i slabosti duži od trideset dana, Narodna banka će predložiti i dinamiku provođenja tih aktivnosti, odnosno postepenog otklanjanja nepravilnosti i slabosti u okviru tog roka.

6. Banka ima pravo prigovora na zapisnik o nepravilnostima i slabostima utvrđenim obavljenom kontrolom iz točke 3. podtočke 1) ove odluke i prijedlog dostavljen uz zapisnik u roku od pet radnih dana, a na zapisnik o nepravilnostima utvrđenim obavljenom kontrolom iz točke 3. podtočke 2) ove odluke i prijedlog dostavljen uz zapisnik u roku od deset radnih dana, od dana njihovog prijema.

Ako je banka svojim primjedbama utemeljeno osporila nalaze iz zapisnika, odnosno prijedlog za provođenje određenih aktivnosti, Narodna banka će taj prijedlog povući odnosno izmijeniti.

Ako banka u propisanom roku nije dostavila primjedbe na zapisnik i prijedlog dostavljen uz zapisnik, ili dostavljenim primjedbama nije utemeljeno osporila nalaze iz zapisnika, odnosno prijedlog, a u ostavljenom roku nije provela predložene aktivnosti, odnosno konstatovane nepravilnosti i slabosti ne otklanja sukladno predloženoj dinamici, guverner Narodne banke pet dana po proteku roka u kome je banka bila dužna da provede predložene aktivnosti, donosi rješenje kojim predložene aktivnosti izriče kao mjere banke. Tim rješenjem određuje se i rok za njihovo provođenje.

Ako banka u roku iz rješenja guvernera Narodne banke nije provela naložene aktivnosti odnosno nije otklonila utvrđene nepravilnosti i slabosti u svom poslovanju, Narodna banka će u roku petnaest dana po proteku roka iz rješenja guvernera Narodne banke, donijeti rješenje o pokretanju postupka za ocjenu finansijskog stanja banke, mogućnosti i ekonomske

opravdanosti njene sanacije, odnosno postupka za oduzimanje dozvole za osnivanje, odnosno poslovanje banke.

Postupak za ocjenu financijskog stanja banke, mogućnosti i ekonomske opravdanosti njene sanacije, odnosno postupak za oduzimanje dozvole ne može trajati duže od devedeset dana od dana donošenja rješenja za njegovo provođenje.

7. Neposrednu kontrolu iz točke 3. podtočke 2) ove odluke Narodna banka obavlja prema posebnom programu kao i po potrebi.

Pri obavljanju kontrole iz stavka 1. ove točke Narodna banka će izvršiti i kontrolu točnosti izvještaja i druge dokumentacije iz točke 3. podtočke 1) ove odluke koje je banka dostavila Narodnoj banci u proteklom izvještajnom periodu.

8. Narodna banka će o obavljenim kontrolama, datim prijedlozima i poduzetim mjerama prema bankama podnijeti Savjetu Narodne banke Bosne i Hercegovine šestomjesečni izvještaj, najkasnije u roku od trideset dana po proteku polugodišta.

9. Ova odluka stupa na snagu danom donošenja, a objavit će se u "Službenom listu RBiH".

G broj 22/93
28. juni 1993. godine
Sarajevo

Guverner
Narodne banke BiH,
prof. dr Stjepo Andrijić, s. r.

Zadružni savez Bosne i Hercegovine

Na osnovu člana 30. Zakona o zemljoradničkom zadrugarstvu ("Službeni list SRBiH", broj 41/89) i člana 26. Statuta Zadružnog saveza Bosne i Hercegovine ("Službeni list SRBiH", broj 38/90) i ovlaštenja Skupštine Zadružnog saveza BiH, na sjednici održanoj 3. juna 1993. godine, donio je

ODLUKU

O ČLANSKOM DOPRINOSU ZADRUŽNOM SAVEZU BOSNE I HERCEGOVINE

Član 1.

Utvrđuje se dodatni članski doprinos Savezu po stopi od 0,65% (promila) po osnovu preuzimanja nadležnosti koje je ranije obavljao bivši Zadružni savez Jugoslavije i po osnovu dijela doprinosa koji su uplaćivale članice Saveza bivšem Zadružnom savezu Jugoslavije.

Član 2.

U skladu sa Odlukom o utvrđivanju osnovice i stope članskog doprinosa, načinu i rokovima plaćanja doprinosa Savezu za 1992. godinu ("Službeni list SRBiH", broj 3/92) i ove Odluke, počev od 01. 06. 1993. godine do utvrđivanja nove stope od strane nadležnih organa Saveza, članice Saveza plaćaću ukupan doprinos po stopi od 2% (promila).

Član 3.

Mjesečni iznos doprinosa uplaćuje se na žiro račun Saveza broj 10100-601-15388 na dan uplate poreza i doprinosa iz ličnih dohodaka.

Član 4.

Ova odluka stupa na snagu danom objavljivanja u Službenom listu RBiH a primjenjivaće se od 1. juna 1993. godine

Broj 10-1/93
3. juni 1993. godine
Sarajevo

Predsjednik
Zadružnog saveza BiH,
Miljan Mandić, s. r.

OGLASNI DIO

SUDSKI OGLASI

Viši sud u Sarajevu rješenjem UF/I-653/93 upisao je u sudski registar u rg. ul. br. 1-9281 dopunio djelatnosti društvenog preduzeća za trgovinu "VIKOCOMMERCE" D. O. O. sa p. o. Sarajevo sljedeće podatke:

Naziv: Društveno preduzeće za trgovinu "Vikocommerce" D. O. O. sa p. o. Sarajevo.

Sjedište: Sarajevo, Trg. međunarodnog prijateljstva 14, Sarajevo.

Izmjenom i dopunom odluke o osnivanju preduzeća registrovanog pod brojem reg. uložka reg. suda 1-9281 broj rješenja U/I 584/92 od 27. 01. 1992. godine prestaje ovlaštenje za zastupanje ranijem direktoru preduzeća Žmirić Sajdi iz Sarajeva a ovlaštenja i zastupanje prelazi na Kosovac Sabinu, novog direktora bez ograničenja. (so-103)

IZGUBLJENI PEČATI

Proglašavaju se nevažećim pečati prečnika 50 mm i 25 mm okruglog oblika sa natpisom na latinici i ćirilici sljedećeg sadržaja: Republika Bosna i Hercegovina, Zavod za statistiku, Odjeljenje u Zenici - Odjel u Zenici. (so-140)

Proglašava se nevažećim žig okruglog oblika, promjera 30 mm sa sljedećim sadržajem: "Političko-informativni tjednik "HERCEG-BOSNA". Kroz sredinu žiga: Sarajevo. (so-198)

Proglašava se nevažećim žig okruglog oblika, promjera 30 mm sa sljedećim sadržajem: "Hrvatska demokratska zajednica Bosne i Hercegovine, Općinski odbor HDZ. U sredini veliko slovo "H" a ispod njega ilidža". (so-145)

Proglašava se nevažećim štambilj okruglog oblika, prečnika 30 cm sljedećeg sadržaja: "Preduzeće u mješovitoj svojini za građevinarstvo, trgovinu i usluge u oblasti prometa "Stupeks" d. d. sa p. o. Sarajevo, sa oznakom broja 1 - ispod riječi Sarajevo". (so-302)

Proglašava se nevažećim pečat okruglog oblika, promjera 2,5 mm broj 1 sa sljedećim sadržajem: Mješovito dioničarsko društvo "Bosna-film" dd, Sarajevo. (so-227)

Oglašava se nevažećim pečat prečnika 30 mm i štambilj pravougaonog oblika dimenzija 50x25 mm (protokol) sa tekstom: PP "Gatto-sistem" p. o. privatno preduzeće za unutrašnju i spolnju trgovinu, turizam, ugostiteljstvo, inženjering, lizing i konsalting Sarajevo.

Oglašavaju se nevažećim svi ugovori i narudžbenice ovjereni sa pečatom prečnika 30 mm sa tekstom: PP "Gatisistem" i "Gatto-hotwell". (so-160)

Oglašava se nevažećim pečat promjera 30 mm sa tekstom: Preduzeće u privatnoj svojini za proizvodnju i trgovinu "EKOS" ilidža (so-341)

PROGLAŠENJE UMRILIM

Osnovni sud I Sarajevo poziva Sokolović r. Terza Dišiju kći Salih i majke Hankije Tirše, rođena 20. 08. 1890. godine u Sarajevu u ul. Iza Bašće br. 6 da se javi ovom sudu u roku od 30 dana od dana objavljivanja oglasa.

U isto vrijeme poziva se svaka osoba koja ma šta zna o životu ili smrti nestale Sokolović r. Terza Dišije da se javi ovom sudu u istom roku.

Nestala Sokolović Dišija otišla je u nepoznatom pravcu i ništa se ne zna o njoj.

Po isteku roka oglašavanja nestala Sokolović Dišija bit će proglašena umrlom. (so-340)

